



秋澗先生大全文集卷第五十九

碑

大元國衛輝路創建三皇廟碑銘



衛之廟祀三皇權輿於

國初醫家者流因城隍祠右故壇屋而像之

時瞻仰之懇然位置迫隘規制卑陋不足以妥靈揭

虔為神明觀府監尹荅失帖木兒顧其如是蹶然于

中私自念言當尊而侈大之心有所在而時則未遑

也伏承

登極詔條聖帝明王守吏致祭廟宇傾圮官為修葺

至大德庚子歲夏仲祠部頒降三皇禮秩以春秋二

時饗獻蓋宗本醫學拯恤元也而昔構不稱安能

儼肅禮容光昭祀典哉侯乃咨謀於僚屬曰
明詔所當黃奉民力不可妨奪工匠不可徒役公帑
不敢擅發也當首出俸稍以為倡率少尹八思麻因
判寮高興仁推官馮瑀相與贊襄下逮屬吏醫師筮
士從風皆靡聿來胥宇於是相治城北郭汲署故址
爽朗方衍奠敬神居經始於是歲冬孟斷手於明年
季夏為禮殿三巨筵松栢旅楹奕奕挺鷲望雲就日
儼若帝者之所其臺門洎醫學講堂齋室以次修舉
其秋因常禮禮奉安神棲儀物肅備薦獻通暢士民
來觀懽忻贊嘆謀斷石紀績傳示方來持學正和伯
易事狀以修建碑銘為請不肖念鄉榆盛事其敢以
衰耄辭夫德高 太上者宜垂不朽之名澤及萬世

者當享天下之祀鴻荒肇判為生民害者多矣三聖
繼作觀象化民創物垂範如畫八卦以通天地之情
造書契而代結繩之政耒耜以資耕耨舟楫而濟不
通衣裳宮室既厚其生棺槨歛葬復恤其死交賄貨
而易有無剡弧矢以威強暴然後民得安居而粒食
優游以卒歲孔子繫易叙太皞神農軒轅氏功德如
此其見於醫家說者謂神農氏一日嚼嚙物毒七十
餘種軒岐論難本乎大道而究乎死生之奧故近代
猥為主祀若以三
聖人開天達極利生民而仁後世者論之特一事爾
在沂流求源雖出於人心之至情而報本反始乃有
國之令典按歷代祀秩曰皇曰帝惟唐嘗置廟京師

餘雖多文定於故都三年一祭而已我
國家掃攬搶以清華夏斷釐足以立四極還純反朴
崇德尚功三年故都之祀亦嘗舉行迨
聖天子當宇道媿生成仁含動植祇嚴必祠克作
神王開建醫學德洽好生故有司推廣
睿意俾同通祀致祠廟徧于天下其敬恭之典越至
矣乎伊守土臣奉承惟謹規為有方不傷財不役民
未及閱歲而起百年偉觀事神治人可謂能也已
是
宜銘曰

林：總
七鑿方萌
孰措其宜

厥初民生
乾端坤倪
底於和平

理具畫一
軒豁露呈
聰明惟亶

體用斯弘

三聖繼作

見天地情

裁成輔相

以逸以寧

躋民仁壽

萬世

德至孰邁

道大難名

功同元化

罔知申行

推原報本

任理攸應

大德之政

思治幽明

在：通祀

尊隆莫京

惟守土吏

恪於奉承

載敬新廟

閔安聖靈

聖靈在天

與時降升

雲行雨施

品物咸亨

云何事神

而瘠於泯

翼：禮殿

有儼神庭

民初不預

吏亟經營

維皇降止

庶監嚴誠

風雨時若

歲事屢登

民浸福澤

思治疑是
恩洽之誤

豈曰更能

事神治人

永垂頌聲

表碣

謹夫歲月

績用昭稱

爰勒斯銘

煌麗石

文通先生墓表

先生諱大鐸字振之姓王氏世為衛之汲郡人祖諱仲祖諱經顯考諱字妣孟氏由農而士汜于先君蓋四世矣其本支德澤與夫出處之大致已鏡諸埋石茲不復云惟其心之與學達於政而明夫用之所當然者敢發越以昭于外初先君既冠以家學魁多士已而嘆曰君子不可以虛拘是足以盡吾學乎且天之所昇於我者何如我能克而復之以塞夫所以昇

六考終於家遠近訃聞來會哭者踰月如知己丁郎
中居實石處士德玉單侍講公復烏宣慰貞等垂淚
而言曰天不少假公年俾為我輩著龜今而後過將
孰寡矣仍以文誅之至有識敏學精是既錫之以重
彼胡奪之以輕溯長川而中流拖絕涉遠路而半道
車傾其為時賢敬惜如此明年戊子春三月改葬于
康公里清水原猊渦之洄曲奉常宋衛教授趙澄郝
翰進士太原劉冲邑大夫李瑞僉曰先生卷德邱園
學貫三極其行與業為國人所矜式可謂敏學先物
達夫世周者也遂相與據法而謚表其封曰文通先
生之墓夫人永和靳氏進士子玄之孫安陽丞顯思
之女生子二人先卒家府沒小子憚忱等服膺嚴訓

獲登仕版粗有立于世識者謂先生之志之學蓋有
驗於後矣是用昭揭神道永示來裔銘曰
政為事樞用乃道輿學焉而兩不克是為虛拘融體
用於一源宜大行而窮居其命矣夫若或訓斯世而
迪後壽高名而不渝固云先生之知命胡其銜之不
碑陰先友記

曹居一字通甫北燕人有文章善談諧以謨畫佐征
南幕府官負外郎卒
劉祁字京叔渾源人資純粹早以文章擅名有神川
遜士集行于世弟郁以篆隸真行名家終監察御史
牛天祥字國瑞上黨人深天文武經學歷恒山公府
講議官應東諸侯聘客死聊城

孟道字伯達琅邪人性沉毅有機果威儀抑以吏
業顯東海

趙澄字公靖共城人性純古有儒行終衛州教授
司之才字進道淇門人業詞科有聲場屋間性峭直
有口

盧武賢字叔賢燕人資雄峻憲談兵以容鄉游諸侯間

王之綱字德柔湯陰人通世務以儒術緣吏事有益
鐵諸論傳相下

邢敏字公達秦人性公直明法令以廉自持用薦授
左司員外郎終大名府判官

李禎字彥祥黎陽人先考同年吏員轉尚書戶部掾
性溫粹以善淑稱

釋朗秀廩延人行精嚴內典外五經子史無不究覽
逮耄期不倦示滅衛之仁化寺
楊果字正卿蒲陰人詞賦第歷劇縣皆有能聲文彩
風流照映一世拜叅知政事終懷孟路總管
董瀛字巨源廉臺人精力有幹局常從王濤南問學
今為淮東按察使
董民譽字端卿陽夏人詞賦第為人渾厚無圭角與
時浮沉常叅預江漢都督府事
劉方字元卿陵川人性清古善歌詩終衛輝路提學
宰沂字魯伯洛陽人才長氣豪抱負奇節嘗與中書
楊維說降西山主帥時人壯之後為王府徵士
張象字義夫相人性僻直數從事郡府少不合輒望

望弃去

趙鵬字搏霄蒲陰人純粹有耆舊風金詞賦進士用
辟舉令泌陽以廉能稱

石益德玉字君寶益州人性至孝與人交愷悌篤信
義嘗與友共事惡其不直遂絕而不較

勾龍瀛字英孺河南人性方直在河南有詩聲述姓
譜行於世

烏古論貞字正卿遼東人沉毅果敢用廩任內侍官
得幸北渡後歷顯仕於去就不屑

周惠字德甫温州人性慷慨有大志早貴幸樂與賢
士夫遊終江淮都轉運使

王昌齡字顯之滄州人蘊籍有經濟材由叅議史忠

武府知衛州有惠政在民

李瑞字天祥汲人性強果重義急難凜古人風達吏

務有調議於先考執弟子禮終身焉仕至潞州判官

王贊字子襄登封人性直諒生平游元劉間好詩學

劉冲字進之太原人性剛克敦友義嗜學安貧樂道

人善事与心會激節感慨有幽并豪傑氣尤長於左

氏春秋

馬寅字致遠許州人性雅重嗜古學恬於仕進

丁居實字仲華錦州人用廩以吏起身有廉德北渡

後以前伏掌故授禮部郎中致仕

馬佐字佐之滄州人金明昌間太學生有賦聲

完顏孟陽字和之遼東人用門資起身為部掾北渡

後不仕好古書家藏至千餘卷

沈侃字和卿魏人資端方精律學嚴而嫉惡由憲臺

司法調陵州倅致仕

張善淵字機道譙人少為黃冠師性機警有幹局表

表為玄門綱

王磐字文炳永年人經義第人品高邁儀範一世文

章精極理要臨大節不可奪今為翰林學士承旨

徒單公履字雲甫遼海人經義第學問該貫善持論

世以通儒歸之性純孝樂誨人官至侍講學士

陶諒字信之獲呂人有吏幹歷邑長著能稱

程和字仲美武陟人長管庫材以聚書教子為志竟

莫遂而沒哀哉

胡璉字國瑞武安人詞賦第為人慈祥樂易風流偉
德度子祇適有俊材光大其先業朱萬齡字壽之雲夢人生平以道學自負星曆占筮
乃其所長楊弘道字叔能淄川人氣高古不事舉業磊落有大
志文章極自得趣有小亭集行于世王信字信之南燕人少為律吏美丰儀嗜酒有氣義
李班字晉伯北燕人性介特以品官子補部掾
趙非熊字周卿安陽人貞祐間嘗以材武選為春官
衛率為人姿嚴厚可任以重事

長樂仵表

汲郡王氏其先河南陽武縣圜亭人避靖康之亂北

渡河至汲樂其風土衍沃遂占籍為長樂鄉西晉里
人今墟落南原纍纍而阜者益自摩遷已來邱壠也
族衍代深法不可溝合率彙殞此外時我
曾祖府君以大宗子觀其然而歎曰禮當改卜新仵
為王氏第二塋明靈其舍諸况責寔在我乎於是擇
葬而東得地於第四疇清溝之北自禰而上三世合
群從凡厝者廿餘窆其紹已絕而力弗逮者率棺衾
畢其遠近聚觀莫不欽其孝之至仁之厚也及夫歲
時墓祭先西後東傳于今而不墜百年來墓栢蔚茂
蒼煙梨雪先動林陌識者謂君子之澤淵流而未央
也時則泰和之末大安初年也迨我有元至元十五
年戊寅不肖孫憚由翰林待制授朝列大夫充河北

河南道提刑按察副使明年春三月按部而南過家
上塚首從二墳以封以饗其東仵則繚以短垣周若
千步武復欲發達幽光慨焉莫究訪者舊則高年俱
盡考世德則旌紀寂寥因念天下之物未有無本而
立捨祖而豐昵者也然遠則疏則不親不親則涂
人此世俗之常情也今王氏二百載間立墓移置者
三始焉西晉里再卜白楊曠分白楊而祖西河鄉勢
固有當然者彼子孫浸遠吾豈敢必其不源委泮渙
枝葉扶疎者哉惟其游流尋源推末求本明夫當然
之理固不得親其親而豐于昵者矣後之來者能以
吾言世守而不易雖百世可親也而我
祖建遷之義是不可不表見于後曾祖諱經字伯常

讀書不仕以仁厚比一鄉衛人至今以長者稱云銘曰

族萃蕃 理則遷 尊而祖 獲所安

論本根 不易存 祭先河 祖所遵

致時祀 首遠墳 取此法 裕後昆

繫我魯 寔古人 仁之厚 孝之純

西晉里 長樂原 憶墓栢 鎖蒼煙

鬱相望 見嬋媯 孰不曰 王氏仵

銘貞石 表先德 陵谷遷 庶可識

管勾推公墓碣銘

公諱德字濟之姓推氏其先相州隆慮人宋季有起
身刀筆至州錄事參軍者以政尚嚴明不畏強禦名
大父暨兄金初避仇徙家衛之共城伯祖以材補縣

吏不幸偕蚤世考復字永享時有襁褓母李氏貧不能
家提之再醮邑醫杜氏及長就傳其術遂以良醫稱公少穎
異能紹其家學軒岐雷扁已來書浩博不易究悉研
窮機要所得為甚多正大丁亥以方瘍兩科中選由
醫生補省司管旬公有蘊籍以德將藝為上官推重
生平志存濟物故其診治疾証未嘗以貧富易心理
或未安歸若芒刺在背憶不敢着席初貞祐大兵後
比屋疫作與考謀曰今困厄如是我實司命可坐視
不採遂大措湯劑歷飲閭里間其乏粥瀆者復以米
遺之全活甚衆天興初盜起西山約衆東走汴中涂
遇劫賊熟眠為公遽放仗前謝曰推君父子向以藥
惠脫我革命忍以非義加諸餘亦獲免壬辰秋歸隱

蘇嶺老者尊其德病者賴以安而少者訪其學然神
膏傳瘍靈丸起廢鑿家者流正有定法而僻隱贅異
等疾在方伎所無者公率能望知意料而決翕忽死
生之變如程氏子得腹痛疾以食毒治而苦愈亟謁
公狀聞曰此臍疽也已無及矣程不應公曰後三日
當有腐血下而絕及期果然晚節耽翫史籍酣適醪
醴浮沉得喪一寓情柘杓間或勸焉吾方陶然遊太
和之鄉君可去毋歎竟以飲致疾終享年七十有二
配宗氏鄉進士彥周之女壺儀母道有承平故家風
範生女子三人長適司候張顯仲女鉅家李氏季婦
王某後公五年卒壽八秩耳顯等合葬古郭里栢門
山南原殿士宗君瑩西南隅寔至元二年二月四日

也後十五年春惲按部南下躬奠墓次泣然興感縱
羊曇之淚下霑襟時思罔替終伯道之自遺伊感為
恨何如惟是鑽石紀銘昭告下泉庶幾少有慰焉推
為氏歷考姓書不見惟潛夫論載餘推氏出楚之羊
姓公豈其苗裔乎銘曰
軒岐有書是為內經
惟明克能於惟我公
靈丸起廢神膏續肱
以意智行推本所自
藝精多挾度貨可居
類夫吏胥繫公處心
拯溺拯焚己為是圖
高下其手德度愉
相彼陽施

宜嗣厥後
繫：堂封
以慰下泉
尚知為卿先生推氏之仔

本支顛兀
栢山南原
雖高深兮易位

理莫可究
刻銘表公

世有風誼之士粹出天稟不俟激叩諷御曲之譽稱
於士大夫間者李公其人也公諱瑞字天祥其先潞
州上黨人系出唐昭武公抱玉之裔五代季遠祖以
宦家衛公為人慷慨有機警長身銳目髯模糊謂磔
酒酣吐氣抵掌談話而英姿颯爽之餘猶隱然溢眉
睫間少為縣吏錄無所見正大間恒山公僊提孤
軍宿汲連九公聲援君時給事莫府叅軍李仲爰其

武幹委以赤白囊事公感其知遇晝則荷戈捍侮于
外夕則抱牘上軍務于府殊起々然及宜津撤守跳
大梁既而京城疫作縱飢民出公倡率流播救死扶
羸歸那延撤吉似悉編為氓者千七百餘口逮乙未
春家府一見喜曰此近弛士也教之當有用遂確夫
糲厲日致其詳謹焉州召為吏主掾數不屑去壬子
秋詔以衛六縣為丞相忠武公采地叅卿王公來
主州治舉能理劇署之典簿領聽其指縱躍如也巨
細之務釐補肅叙効其用居多俄薦授錄事叅軍兼
汲邑長將順拊循至有惠愛至元三年總尹陳公以材
辟府從事六年積前後勞赤牒授潞州判官棲遲下
位德及民為艱故寬簡持大體謙讓睦僚友聽共佐

理中多裨益了不露己出至上敬下安惟恐秩竟而
去之遽也九年夏予調官晉府過家上冢昨飲水濱
話平生甚悉翼日鷄一鳴送予遠郊外泣且言曰吾
老矣不能為升斗祿走形勢途弟相見期邈未知復
無恙否遂哽噎訣去予亦歔歔久之且訝其遽如許
也其秋以訃來告嗚呼哀哉公事家府執弟子禮三
十年始終如一日一別終天葬弗逮送弔不及哀銘
誄未彰有恨何如嗣子震既確石墓道百拜來請銘
曰無庸固所願也公姿孝悌喜賓客振窮繼乏雖脫
驂指困略無難色至於排難解紛不自顧藉猶焚溺
之在己復能通下情知疾若妯々款々老安少懷與
人接無貴賤禮夷故牛童馬走盡得其懽心晚節備

嘗世故小心儉畏以省事為樂有訟來質成公温言
理喻曰緩急人時有也其忍以小忿興怨可退思自
省既而偕謝曰公長者過不敢復聞又善營構事不
為巧飾要以敦鞏延百載上如衛之泮宮潞之儲廩
是也初農民發野塚市甓下令禁焉暴妾之患遂絕
士人牛國揣聞公義託妻子東遊客死聊城為經紀
其家又石其氏者坐事累猝不易辨明索之急投公
匿焉竟賴以脫里有喪率匍匐救視孔懷之情踰於
兄弟至貧不能舉者棺衾坎壙搨拊之物必具葬乃
已其周急趨難甚於己私類若此終飲德不伐閑居
灌鑿樹藝粗衣糲食与老農老圃為伍始將終身為
噫衰俗頽波中矯然有古義士風出則智効於官

處則行比一鄉可謂不凡者矣士方以壽祉期公而
旦暴債不及中壽為惑豈氣盛亟衰物剛易折推原
本自理或亶然觀義之所在有不亡者存焉異時
有帶劔喬林讀予文而興起者未必不拜酌公墳俾
配食於縣社也公仕至將仕郎潞州襄垣縣尹命已
下卒春秋六十有四實至元九年壬申七月十九日也配張
氏先卒女二人長曰阿醜女甥魏珍次未笄皆繼公沒
嗣子震實主其喪葬汲縣唐津里清水之南源銘曰
太史著書 游俠與侷 不軌正理
匪暴豪邪 行而宜之 義莫有加
李公之先 奮跡將家 餘烈有光
流而義華 故俠烏負巨先之氣

行焉佩仲由之鞶

家府与訓

化而柔嘉

據理施惠

如有等差

超人之難

甚於已私

孤不自存

我衣食之

貧不喪舉

我棺窆之

野塚壘

公助半之

夷考其行

匪義則那

以之莅官

敏而外和

絲棼我理

瘡疲我摩

方百里之命下

俄春者之不歌

心則罔殫

其如命何

念公平生

涕泗滂沱

番良聲

公榮寔多

泉流西東

太行峨嵯

我銘刻石

等與不磨

秋澗先生大全文集卷第五十九

同日又校

秋澗先生大全文集卷第六十

碣石

大元國故尚書省左右司員外郎韓公神

道碣銘并序

夫朝廷山林之士有往而不返入而不能出者惟其
勇於靜退貞不絕俗是則為丈夫之事吾於御先生
韓公得之矣公諱仁字義和父顯有融德不耀公甫
冠而孤事母以至孝稱好學強識聞一善事樂為而
不厭正大間舉孝廉辟為州孔目以能充元帥府令
史方羽書交馳際公勵精所事為上官推重番譯史
安天合為相友善壬辰北渡隱居鄉間澹嘿無所營
庚子歲詔行臺於燕開幕府選叅佐得良能為亟用

安候薦首聘公充尚書省都事癸卯春以國計北覲
上詢以金粟以流蘿圖鞏固將何策可濟對者以十
數獨公敷陳詳明簡而得要有鑒古訓用賢材之說
上喜甚仍奏天下困窮者寔繁其徒方發政施仁之
秋宜子惠俾霑大賚允焉迄今貧子月給廩料蓋自
公伊始是年秋丁母梁氏憂尋奪哀起授左右司員
外郎公早夜在公以吏務自任即中李獻卿才望重
兩朝亦許公和光解紛能就吾事又明年冬以祔母
夫人得告南歸既襄事偕內子張氏棄俗入道自號
逍遙子遂西遊太華終南諸山黃冠野服偃然閱世
如老松卧雲壑者逾三紀為公資明淑生平與物無
忤其薦賢周急有大過人者宗族藉之通達者甚衆

嘗買僮即約之曰汝等以世故不幸及此義則甞勉
相從否則任渠所往晚節專以方書濟人為事聞一
秘方竒訣求訪百至易千金不吝歲久得益多如烟
霞醫林等集悉錄梓流布猶虞所傳未暢擇標治者
遍書里巷壁間京師物繁歲多竒疾賴公起死者不
勝紀例來謝辭不見曰吾庶幾道念濟苛苦而已餘
何莫當時少傅竇公亦以醫方談客多獵神農經所
載為用公則博採經驗所謂海上方者錄之無遺二
公雖趣向不同於博施則一也故竇韓之名並傳于
世先是道人謝志賢等歆公進退有道心存濟物殆
非尋常所可及遂請主神寶修真二觀餘三十年奉
公猶一日公有二姪長曰天祐泰鹽提舉次德旻由

後衛從事充樞密院今史德是以公耄期迎置家庭
與妻范氏侍養送終禮無少憾士論賢之公以至元
十九年十月望日考終牖下享年八十有四某月日
將歸窆汲縣耿岡之新壠墓須銘以御耆故來屬筆
其敢以蕪斐辭銘曰
顯允韓公 生有淑質 陳力周行 載揚厥職
孝廉應辟 移而為忠 一何云亟 漢署千官
濟物之心 經國之對 允合 仁者之賜
含香入侍 片言回春 神武挂冠 退身急流
睿思 又人所難 全真為教 樂在一簞

青囊集驗

一壺市間

我鍊我形

九鵬一鷗

青山白雲

睽焉故山

魂兮來歸

扶夫世瘵

保合太和

我駐我顏

栖遲有窠

玄門老仙

惟耿新壠

諒先生之所安

旁搜博施

浩二其天

較彼獨善

逍遙有篇

黃岡北原

繫公改遷

大元故濛溪先生張君墓碣銘并序

余宦晉府者四年得進修之士一人曰濛溪張君每
暇與相往來把酒論文最可尚者君無求於人
之有得於君殊冲然也私自哀念異時禮文興舉吾倘
與當任渠責及承乏翰林君墓草已宿乙未夏其子

思敬來京師，謁余以墓銘為請。慰唁餘為歔歔者久之，言猶在耳。其忍以不敏辭，君諱著字仲明，姓張氏，世為襄陵縣張相里人。曾祖諱某，雅重然諾。顧義所在，雖死生以之。祖愿父彬，皆潛德不仕，讀書治田，子孫相傳以為家法。君少穎悟，不待勉勵，卓然自志於學。國朝戊戌歲設科取士，君以詞賦中選。既而嘆曰：士當遠大，自期雕蟲篆刻，將何為哉？適貽溪麻先生洎前進士允齋曹丈來主經局，君喜且不寐，曰：今而後吾學有所正矣。遂刮去故習，沉潛伊洛諸書，雖飢渴寒暑，貧窮得失，不易其初心。所謂道之體用文之華實，探涉其源流，咀嚼其膏味，積而為文詞，發而為事業，不盈不矜，介然家居，以樂育諸生為業中純。

建元，願齋張公以直道清節，宣撫河東，廉君才行，擢主潞城簿，政廉能以畏愛稱。明年公去，事齟齬不可為，以親老西歸。有司累辟不就。至元乙酉，用薦者授平陽路儒學教授。於是衆論大厭，士風為一變。先生年彌高，德彌劭，學益博，文益奇。士友知所依嚮，吏民咸有矜式，秩竟不聽其去者。逾再考，厥後子思敬自南陽教官來省，聞彼中風土樂焉，曰：名山大川，平日所願見，遂命駕南遊。以至元壬辰夏六月廿六日，考終寓舍，享年六十有九。初娶陶寺里大家趙氏，一子思敬，二女長嫁同邑王黼，次適洪洞梁龜齡。繼室曲沃靳氏，孫男二，曰世權、世衡。思敬以家學，今充隆福宮教，先生姿明亮，色夷而氣清，為人誠厚，寡欲不

戚之於貧賤與人交始若疏澹久之愈敬而愛人百
負之終不較望而知為雅德君子其成就後進為已
任故晉人以文名而達者多出其門切惟止金百年
來平陽號稱多士每歲舉子赴選大約數倍諸郡至
有白首場屋庶幾一策餘有不暇及者唯君年甫冠
即能知所學所從拔出習俗潛心古道踐履外詩文
雜著曰濛溪集者五百餘篇何多矣哉晉絳諸人未
之有也及一辨一藻典雅有法理明辭約以自得為
主是可銘之曰
四科稱賢曰德與藝其在聖門用不偏廢文乃道輿
經天緯地苟遺其本剽竊何異利祿科場疇非誕誇
聯綴補緝是足言邪濛溪為學其復不遐洗心程張

正藝曹麻閉門窮經其書滿家玉珮瓊琚粲馬辭華
含章時發其助也多士之生世濟時行道特既我輩
立言明教生榮沒傳朝菌夕蓂達人太觀彼此奚較
大川河宗名山華崧地靈氣異先生所鍾一朝長遊
杳焉飛鴻世皆知仁智之所樂吾獨為歸根返壑乃
先生之所終凌倒景而不滅其元精耿々固浩乎其
所不窮適來吾時適去吾從先生之心與造物也從
容光山西東相里新宮我銘斯石如勒景鐘雖陵遷
芳谷變尚知為濛溪先生之封

故趙州寧晉縣善士荆君墓碣銘并序

元貞元年春廉訪荆侯改道北燕過京師來謁再拜
以先表屬筆因念予與侯初定交於癭陶一見如平

生後十年復會于東楚握手道舊勉予南行忠厚之
氣霽然萃顏間令人有不能忘者今以是來託追惟
疇昔其敢以固陋辭謹按典瑞少監焦養直善狀君
諱祐字伯祥趙之寧晉人世陶汶濱遠祖暨禰以改
工是圖曰與其供器用於一御曷若以善及人為愈
於是板行五經等書不二十寒暑荆氏家籍布滿河
朔君甫冠而孤每以保大家業為志貞祐兵乃取五
經泰和律義篇廣韻板閱墟垠中亂定來視盜發掘
無幾君悉力補購隨復為完部或者云初歲書時善
本固多唯取是三者何哉曰經者道之本法者治之
具韻者字之始文籍所由生其為善已多聞者為知
本于時官府生聚雖稍有三立詩書法律晚生後輩

不知為何物一旦得是如瞽者復明迷者之知津也
而又印模精取直廉故售者廣屋日為之潤所可重
者積而能散縣人王壹者坐事累繫獄吏挾私欲死
之君力與營救彼不顧且諷而徼賄竟傾貲出之渠
未謝却不見曰吾區區若然者憐渠罔陷非辜餘何
有壬子歲州縣通籍冒占者有禁里嫗瞽而來依君
惻然以乳姆收恤轉易書輩徃宿負審其妻既折
元券復惠之書嘗有以女奴來償者辭不克娉而良
焉斯皆風義矯小人難能者率樂為之故鄉里無親
疎以善人稱君以丁巳秋遘疾遺命仲子元綱曰伯
叔二喪未克奠汝勉襄大事以卒吾志言終而逝實
是年八月八日也壽五十有九歲先塋昭穴君資和

易處事明敏終以失學為愧恨及諸子長皆教之讀書嘗訓飭曰吾已面墻無及今幸嗣先業庭戶間書帙紛繙豈有資人進修賢不自力將何以免君子之訛且先世易治而衰所期正爾汝曹其勉旃君初娶劉氏繼室蘇氏生四子長國器中戊戌詞科次國用善屬文皆前卒次元綱自幼有成人風君嘗語所親異時保家子也竟如言李幼紀為人雅重信道篤少從敬齋李先生學所得為多由典瑞貳卿擢任風憲今為山北遼東道廉訪使女一適進士張景賢孫懷寶男孫九人曰諶曰詢曰誠曰謙曰謚曰諷曰諒曰詡曰諏女孫五人一在室餘皆適士族曾孫九女孫如之於戲盛哉予然後知善惡之報至于孫而後定

者審矣銘曰

繫士居業擇術是先有篤者志善乎變遷捨鈞治書理幾於妍顯允荆君思深業專誓教子而亢宗見歲書之有權要本孝義奉而周旋萃英敷華煥乎簡編迪我後人學者賴焉磊落載腹宛從蹄筌積厚能散憫窮拔寬不有其社委順百年慶流後裔子孫蟬嫣人定彼勝其然亶然二子翩、遺珠在淵仲克世荷愿而稱賢季由近侍三使輔軒較夫善利孰大斯傳固惟自稽古之力實資藉之所緣欲報之德有異者天刻我銘章于晉之際適追來孝以慰下泉異時推耆德而配鄉社尚有攷於瑤鐫

共岳老人石琰公墓碣銘并序

公姓石琰氏諱德玉字君實遼東蓋州人踈髯炯目
氣骨矍清超然如萬里之鶴貞祐初以良家子從
軍效夏折橋功得官積勞至武德將軍北渡後居
相衛間母杜氏唐相如晦後公天性純孝愉色怡聲
斑衣垂白朝夕孺慕雖菽水無餘有南陵白華之樂
時杜壽登八秩清修絕葷茹一日進戶間產白菌百
餘本擬去復茁者數月人以為孝感所致故名卿贈
詩有似憐甘旨闕春風玉芝香之句生於
篤超人之急逾於己私至遇不
竹木花石時釀名酒客至輒飲必醉而即歌
而後已眼花耳熱與之扶策
之某處手植而即蕃者也此吾
顧

眇柯怡顏喜津、溢眉睫間曰吾且富有不
壁矣嘗種竹當戶或謂太迫曰待其藂茂秋霽月
之時俾清樾透簾為此君寫真耳故終日翛然對之
灑為樂其清澹如此晚年游心命書人有問必以
守已安分為答能此不待孤虛相狂吾言固有徵矣
歲丙子公年八十有五嘗繪共山歸隱圖以自歌其
貧樂因號共岳老人是歲冬灑然而逝若委蛻焉孺
人劉氏能遂公初心主治中饋不知其為貧家也生
女子二人長適御史康天英次適河東道提刑按察
使姜或家府與公交款曲篤世契三十年一別終天
有恨何如尋步入街西故里眇昧竹樹慨然有聞遂
懷人之愴老淚濡毫而有斯作銘曰

貧而樂有類乎黔婁心而隱似慕夫德翁事親極融
融之樂逢辰出蹇之忠布衣歸來默而自容將裴
徊而孰友侶藜藿而伍岳松生也順事歿寧吾躬古
之所謂御先生死而祭于社者其處士之堂封乎
大元故廣威將軍寧晉縣令李公墓碣銘
公諱讓姓李氏其先易水黃山人也父海姿善良世
樹藝為業公既孤母張氏以健持家就熟南遷至寧
晉唐城鄉愛其風土遂占籍為縣人公初生顱骨有
異狀及冠美鬚髯聲音如鐘為人善騎射勇於赴義
為一方推服貞祐初河朔失守所在寇盜充斥日相
吞噬公慨然輟耕墮上團結鄉豪游獵陸澤荆藿間
以保庇井邑為事益有所需以明歸附之志歲己卯

天兵南下公與兄直首率里人迎拜反兒那顏於軍
門嘉其效順授直行寧晉縣事公管軍總校仍聽元
帥蔡國公節制時歲荒民飢道殣相望縣東有水柵
曰瀝城大澤源漫周浸百餘里菱芡魚鳧資生之物
甚富民往依大獲厥所庚辰秋金奧州將柴茂以兵
來取兄與公力戰而前直死焉公憤大兄歿歿眾又
失所庇以圖報復瀝為誓雖食頃不忘也繼從縣長
二帥復奪其柵居無幾茂復合大勢來爭前次滿氏
泊公聞之盡匿精銳於瀝傍二十里叢葦間以弱誘
茂令之曰伺彼過聽金聲而作親驅數百人前逆鋒
總交即陽北逗茂逾紀氏塢金鳴伏發茂腹背受兵
大挫其銳公回戈追奔五戰皆捷自是莫人聲燭不

敢復窺潯垠矣。瀝城用以全安。帥聞酬勞，授主本縣簿。乙酉冬，武仙以真定叛，麾下劇節副鄭進等乘勢剽掠趙、瀋、陶、迤東，悉為邱墟。公度力不可支，收合餘燼，比與鼓藁二王帥合勢，併破劇、鄭諸砦，誅數百級而還。所失保聚生齒皆得復故。丙戌冬，仙復令劇鎮川、明年春，從大兵規取克馬。時太師木花里以額封拜，錄公前後功，授公行鼓城帥府右監軍。仍佩銀符，使顯異焉。既而陞充本縣令，以寧昌為世。於是招流亡，布恩惠，畫井開，起市集，鄣居有貿易利，田里無追呼之擾，四民樂業，外戶為不扃矣。至督田務，抑游墮，扶寡弱，法姦蠹，是又公之所必行。憚民有衣食不自給者，公發私藏以贍之，不

足。帥府聞之，為復其三年。公雖貴，必耕而食，蚕而後衣。居嘗以榜揭門扉，私囑子謂：請毋相覲，其廉守如此。癸丑春，以老致仕，令男天澤嗣職。優游里社，日課子孫耕鑿為務，嘗斧桑田間，或勸之，公曰：官時未，然為農吾家素業，我若爾，見輩尚墮而自安，或者謝而云：古人稱貴而能賤，丈夫之事，公其有焉。以至元十一年十月廿二日，考終牖下，享年八十有七。越四日，葬縣西北下五里之新塋，禮也。祖送者幾萬人。夫人祕氏、趙氏、張氏，子男六人，長曰天澤。歷寧、晉、元氏兩縣簿，次天祿。本縣與魯千戶，次天祐。監寧、晉、酒、次天祚。不仕。次天祥。次天祐。其鎮巡檢女四人，長與次俱適趙氏。次適牛氏。次適郝氏。男孫一十九人，女孫一

十三人重孫男一十八人重孫女一十三人初公畜家僮數百指悉縱遣為良曾無鬻身分役之責人又欽其德厚云天祿性孝義侂有父風以北孟舊瑩屢為濤浸所噬遂改卜於此既襄事贄禮幣百拜來請銘予方問俗汶濱見其遺黎故老脫離兵革六十餘載猶為懷思王李諸人眷不忘有配社尸祝之報嗚呼貞祐之亂可謂離且瘼矣元之民莫適所歸不為人所魚肉必轉死溝壑如王李諸公雖奮棘矜起壠畝至於父子昆弟出死力角群豪經營捍蔽使一方莫安又識夫天運所在挈民去危邦而就興國誠亦出人意外一時賢豪者也甫定後復能俾官府生聚日就完好今歷官御曲歲時拜墓于而來

者皆曩時不能自存之嗣續也其德民之厚感民之深又何止童不雉捕長江之席渡者哉且其子孫繩繩蟄皆有所立然後知德施於民功被一時者天之垂報何其豐且阜哉銘曰

瘦陶北郊

里號下王

顧瞻佳城

蔚乎蒼

是為晉長

李公之藏

惟是李公

千夫之防

果毅之勇

本訥之剛

奮身隴畝

舉圖義匡

貞祐南播

雲擾之傲

割據侵凌

互相魚肉

民匪殲夷

轉死溝谷

宛彼瀝城

居水之腹

菱芡魚鳧

大益不足

聞公來依

襁負相續

如鹿走音
獨為樂國
既復元讎
官府始置
內守以廉
興滯補弊
百戰遺黎
頌聲噦々
勒銘豐碑

如鳥棲木
耿氏昆仍
又知所屬
戢我武幹
外方以義
扶弱抑強
竟保終惠
尸而祝之
尚克永世

四境騷然
旌旗部曲
草昧初分
明夫吏治
撫循有方
繩姦束吏
民之戴公
懷思罔替

墓碣銘

大元國故河中府南北道船橋總管謝君
君諱企石字仲進其先燕之香河人父一國

吾衛上將軍河東路總帥其仲子也為人性行淑
均沉實有顧慮既冠嘗從父西破川蜀每領牙隊居
前當破竹際掩日隱心未嘗以嗜殺為快雖執訊獲
醜力為全活者甚衆用勞充秦鞏路軍儲大使辦集
有方餉道為不乏丁巳夏先帥薨君實主其喪線杖
瘠立躬起塋壙棺衾儀物既易可觀會者大說復樹
豐碑昭德神道其例新行有光焉大兄維石襲父職
歿軍中行臺檄居以例繼執不可曰兄念天顯極友
愛顧某不啻若手足然家事一聽于處鞠立之責正
在今日竟以其嗣往代其適追永言之思友于邱孤
之義蓋終身為其爾過於人遠甚者類多此晚節以
故侯失將駕下澤乘款段遊居中條田間耕牧卒歲

裕如也。至元乙亥冬十二月廿有六日，以疾終平陽府崇道里私第。之正寢，得年五十有五。官至河中府船橋總管。越三日，厝於府東神泉鄉之南里原。從遷壙也。萬口稱惜。咸以善人。婦馬夫人劉氏，晉之平陽人。德柔嘉主內事，殊嚴。生三子，長曰純，克家有立志。次曰繹，謹愿。嚮子道季，天女一適裴氏，子孫男一人。未名既卒，哭嗣子純來求表其墓道。予私念其故，昔子遇舊館人喪，脫驂馬以賻，曰：吾惡夫第之無從也。君於予西道之主人也。從游讌語，始然。蓋三年非過客之有頃，其可辭不敏。君生長秦晉，馬間而禮度雍雅，不知為將家子，與人交信厚。終始無間言，其在諸弟間，棣華輝蔭，惟恐弗及。

又出天稟粹然也。嗚呼！以君之德之壽，較之有不相稱及者，仍哀之以辭。銘曰：蒼茫兩間，生也倏寓。一氣之來，命有定數。彼修短與奪，理則有之。若不繫夫善惡，積習之故。嗚呼！謝君一債而去，孝友淑善，曾終始不渝。素天之報施如此，豈定者不可奪。來者固所與也。將子孫延昌，以永其終譽。邪吁！

故將仕郎汲縣尹韓府君墓表

府君姓韓氏，諱澍，字巨川。其先陳留酸枣人，世以儒業顯。遠祖有方，官至大司空。六代祖璠，累階銀青，榮祿大夫。五季間，北渡河，遂占籍為衛人。榮祿生朝奉大夫，祇德朝奉生八十一，秀才奕山。山生渤，亦舉進

士渤生桓善居室遂用富饒於君為曾祖悅有淳
德不耀父仲字仲寬所居以善行稱君自樺齒性沉
潛寡言笑群兒劇里中過不少晚宗黨異焉稍長以
力筆起家用言者為安陽吏生椽以能入為府屬吏
丙辰歲朝廷以相之五縣封太弟為采邑繼郡
帥例肆覲君毅然以民計從行及敷對稱

原高公鳴為彰德路總管遂汰冗員擢群能新舊圖
至設府史不數人君首以才選無幾轉按牘提控官
夙夜在公勵精所事閱六歲克勤猶一日大為總
所知守錄事參軍至元二年轉官制行積前後勞授
汲縣尹下車首以美俗邵農為務顧謂僚屬曰富足

者禮義之資耕桑者風化之本至於飾亭傳謹迎候
奉上官徼目前譽非吾所知也於是下教條課戶丁
斂藪薄植桑菓以敦大本非農隙不許入城市暇則
行縣檢視勤惰而賞罰焉自是邇隰昉榛惡為有
間鄉鄰有以忿鬪訟於庭者君曰孝悌力田親仁善
隣古之善道初無大故何乃至爾諭而遣之至頑不
率教則曰聽兩造明曲直是不難恐一置于罰終身
玷辱為鄉黨指誚吾惜汝者此也倘不吾念論如法
比秩滿五事備舉所獲未暮之歌厥聲載路矣三年
用新銓法勅授將仕郎主高唐縣簿元九月與疾歸
明年卒於絃歌里舍得年四十有八寔至元庚午春
二月一日也越十有九日從塋安陽縣西陵鄉武官

原之新室，母李氏時年八十，拊柩而哭之，慟曰：天乎！遽奪我純孝至此，酷邪！聞者憫其賢孝，縣君金相人進士秦公之孫配君德良稱生子男三，長曰從益，自憲臺六察史，今為燕南河北道提刑按察司書史。次從愿，從革，女明童適王氏子男孫四人。後九年歲戊寅冬十一月七日終，祔安玄堂之左，禮也。初縣境夏大旱，比致禱，私念事之墜底獄之鬱滯，亦沴氣是致，乃裁決牢繫為一空，及禱蒼山祠，雩舞未收，雲幢一起，中谿翼日雨盈尺，繼謝祠下車還，眾曰：尹精誠若，是當有回馬雨表公虔，至半途果然，尋鄰道以蝗災告備，已而竟不入境，縣狀其異以聞，是秋為有年，君溫雅有沉量，慮事遠，善措畫，臨政暇裕，畧不動聲色。

色亦未嘗矜喜，以己長格物，其孝愛友悌，出天秉粹，然不忍一朝違母氏，側嘗行役踰時，春馬陟岵，寢饋為不安，於承顏孺慕，若此，其至。初見弟季，既多枝葉，蕃衍門戶，事繫重，故挺身吏業，盡心所事，匪厥躬是私，期於庇本根，寬父母抱者，幾三十年。若府君者，可謂克孝克恭，念顯養志者矣。其祖妣韓，是為君女，叔曰女叔者，稱父之妹也，出六帖。君之嗣從益，創某行為外弟，一日誌而請曰：先人棄養奄踰八年，坎不及誌，有銜未唯，是表於墓左者，又闕罪惡之大，無可言，若銘則尚於兄為有託，某追惟祖妣平生之言，得君抱為最詳，因繫之以銘，曰：於鏢韓氏世為儒之宗，芳彩纓若綬，揚歷位乎公，芳

猗嗟商孫，挾習匪其躬。邇勉從事，養夫親之志。於
庇我本根，殆葛藟之義。聖哲所稱，吾今見其人。於
於穆府君，諒彼古之倫。於兩漢循吏，鑄頑以成仁。於
嗚呼令尹，誠亦吏之循。於予銘擬實，其敢過為文。於
魂而有靈，尚愼嘆之一伸。於

秋澗先生大全文集卷第六十
秋澗先生大全文集卷第六十
秋澗先生大全文集卷第六十

秋澗先生大全文集卷第六十
秋澗先生大全文集卷第六十
秋澗先生大全文集卷第六十

秋澗先生大全文集卷第六十一

碣銘

故善士張君墓碣銘并序

善士張君諱從禮，字仲和，順州龍山人。大父德仁，有
耆行，鄉人尊敬之。彌義嘗任燕工技府總管，既老，君
當襲職，請於府曰：親老需侍，余志已定。弟從順賢而
克荷，願畀之。竟以從順嗣。仲和姿清介，不隨俗，上下
嘗從澹游。先生學詩甚自意也。事母教弟，以孝友聞。
承顏讀書外，室屢空，宴如也。君既不樂仕進，嘗曰：菽
水盡歡，不害養志。三釜五鼎，非所願也。至傭筆以供
朝夕，平生友非逾已而不交。曰：吾將安做，施非當受
而取。曰：畏將冒勝弟從順洵婦，併歿孤姪敏，方三歲。

為鞠育成人過於己出。至贛子智於友生羊舌氏家，仍為敏納室，是亦人難能也。詹事張侯高其孝義，憐其窮獨，出楮幣數千緡付之，約得子錢，悉助親養。君以義重德薄，謝弗敢當。郡國知其賢，以孝廉累辟，亦不就。臺憲廉得其實，旌焉。後之終身，君悚然嘆曰：人子奉親，理固當然，因而有加，邦之教也。顧從禮何足以為？上明分有如是者，所居曲水里，有亭，泓植花，對士若儼待溫清，暇日哦其間，有問者，對士車子姑去，自號栢溪主人，左山商公得贊之京師之明年，君來謁以孝止善者也。至元癸巳，尚見眉間，今雖已矣。

林間先生大全文集卷之六

春母氏弃養，以哀毀致疾，是年冬十月三日考終。牖下得年五十有六，配劉氏，亦能安君貧窶，早世。生子智及二女，適裴氏、王氏，再娶董，亦前君歿，生子曾。葬壇州密雲，鄉之王冢原。友人劉某重契義，介嗣子智求表其墓，以君篤行有類古人者為之銘，曰：堪輿兩間，子職不易，孝為化源，融而友悌。君於二者行不少匱，濟以廉貞，大錫厥顛，目為善士。吾言匪比，其善伊何，可欲之謂。况乎質美而學，行方而義，繫匹夫而化鄉人，曾克施之，弗異五十六年為樂也。洩去水來山，密雲之隰，隱然斧封，山塚屹立，是惟吾曾張仲之室，過者必式。後漢張霸性孝讓，舉勅勳，合禮，鄉人號張曾子。故雲中高君墓碣銘并叙。

君諱祐字仲和其先雲中人高曾已來遠昭穆無可
詳者伯父與考金季家撫州以財雄邊伯父德真字
伯諒潛德不仕考諱德榮伯寬其字也姿醇厚鄉黨
以德人稱嘗以勞_權推豐利酒伯母暨君之妣皆張氏
女以如姊而列妯娌伯生子曰信字仲禮曰義字仲
仁信美丰儀虎睛豐頤耳珠赴海以樂終君實仲之
嗣貌敦龐性孝悌及長雖混迹闒闖衆不敢以尋常
期初燕雲失守豐利府君避地南遷汴梁壬辰歲例
北徙以實衛墟君與先信素負心計相與謀曰衛居
天中寔通都劇邑百物夥繁合散於此若以什一與
府馳遂可致屋潤遂主貨殖為業君為人篤信明敏
不底緼留既易彼取收息且廉故聲實四出商販興

集其門貨既饒多不忍額利自濡以哀多益寡為得
每貸子錢有不克償及群居即舍積儉直而負者
審其窘悉折券無難色由是三郎以長者稱於中外
至元十九年五月四日以疾終于家壽六十有五三
日葬汲縣汲城鄉南王里之原從新阡也配張氏與
君德良稱生四子長曰明福以通幹由泰監管勾任
河南府交鈔庫使次世英世顯世昌孫二人曰募曰
莘姪三人曰夢得鄉貢儒士前君卒曰世傑世稟姪
孫二曰萃曰華重孫一曰復亨明年明福以墓碣來
請銘余以同里巷者五十年知高氏為最詳即其富
潤齒息而論蓋自高曾而降凡六世雖存更世故以
孝義勤儉同居不析故也至君承父兄餘業益光大

於後內則齊理嚴肅以身率先族屬家僮千有餘指
無間言日趨事惟謹屋廬被服務從朴素常以驕靡
為戒外則持心近厚與物無滯敬畏官府奔走輪辦
未嘗少厭所患謀生之不勤胡恤王事之時亟也自
壬子通閔後馬氏迄今為河朔名數之冠豈偶然哉
故遠服賈者雖千萬里外念寬厚饒裕獨以高氏為
讓矧高氏以義致利義重於生因貲致富而不驕
為子孫又能求銘以昭世德是又好禮而知本者也
予為得辭銘曰

富壽 五福先 匪欲厚 能界全
高氏 起雲燕 凡六世 財雄邊
重利 始南遷 編衛祗 迹市鄆

居家里 無間言 我屋豐 利匪顯
益寡乏 貫子錢 長者稱 動河塹
供厥賦 日翻 曾不憚 生勉旃
業攸久 族婣媽 服而食 恥華鮮
孝與義 為周旋 勤不匱 理固然
繼之者 當鑒焉 行山秀 淇水洲
高氏裔 與並傳

新鄉縣尹劉君去思碣銘并序

衛之屬邑曰新中鄉其地距太行東麓素土衍沃浸
以清泉之潤民俗殷阜自昔號河朔望縣惟其物廣
而訟囂路衝而務劇故治稱為難然渴餒而易飲食
者民之心也得其人苟有以拊而安之將見民戴之

如父母，仰之如神明，惟恐來之暮而去之遽也。維至元廿六年，南宮劉君理由江淮漕，莫來主縣治。君姿幹敏，有機警，相時處宜，果於裁斷。既視事，思有以事集于上，民便於下，於是舉條章，明約束，均賦役，却造請，凡轡馭之急遽者，一剔而致之，不務高遠，率先以身為度。縣當關陝驛程，使駟轉致，日相望於道，吏民疲於供頓，君量其輕重，處之有方，無名而求索者，皆以理謝之，則乘間侵牟之弊，日就歛息。廨舍一縣具瞻，陋不克治，事非所以整暇也。計材庀工，易故而新增，葺者十餘楹，復起蕭相祠，俾吏曹不自鄙薄，以信景慕。邵公橋跨清水上，歲久墊齧，就於履危，乘隙大捷，硤市斧官柳為梁，方之舊締，既高而固，役不知勞而

民免病涉，至治道塗，取通快，堙汙夷峻，徒行輦致，垣不少阻。歲時邵農，裹糧自隨，周行田里，未嘗追呼，俾妨時作，耕稼蚕績，檢括課視，切於己私，復諭之以勤儉，申之以孝悌，使遷善而遠罪，由是邑里感念，昏於作勞，生理且滋殖矣。下迨鰥寡，顛連亦行，得所流逋，聞之稍復業，故賦稅輸納不及期而辦，詞訟繁囂，不俟約而簡，君以令行民信，教烏可後，乃出已稍崇飾廟學，如益互級博之破壞者，丹堊漶漫之不鮮者，一完而與之復葺黼座，陶祭器，周繚密垣，外障儀闈，春秋釋菜，禮容為增肅，暇則禮師儒，率僚吏暨邑之子弟，聽其講說，使知所務，故三載間，庭無留訟，宇戶為屢空，至隣有疑讞，滯而未決者，上官倚之不蔽而

縣之治否為可知。己君既更者，舊苗仲牛世麟、幕賓羅從玉、郭昌祚、席安等，懷其夙愛，有思罔置者。未謂文以垂示于後，辭再四不克，仍覽觀件狀而次第之。且寓夫余之所感焉，嘗觀兩漢循吏政績風化，子視生民訓牖惠養，如恐不及，凜然有三代遺風。惟其浹洽於民者深，至故所居即化，所去見思，有起祠樹碑以表夫永載遺賢之意，非幸也。宜也。迨叔世司牧者，昧於治體，苟簡貪墨，習為當然，其可聞者，不過晚簿書以為能，飾矯偽以干譽，其於民之休戚，漢然如秦人視越人之肥瘠，甚者因之以急張，臨之以形勢，剥民之肌以膏其身，傾民之產以肥其室，使民畏之甚豺虎，惡之劇寇讎。告訐謗讟，無所不至，以理勢論之。

亦宜也。今劉君以勤強幹敏力，矯時弊，致績用章著，吏民稱道如是，可謂能也已。是宜銘。銘曰：天下之事，孰覈孰綜，政發于上，相臣是控，事終于下，疇致厥用，相須成務，匪令奚共，雖百里間，務實煩閔，有社有民，有賦有貢，兵之貧難，民之疾痛，期會簿書，風俗獄訟，我剖我決，我承我奉，粵惟良能，治之有統，千室鳴弦，五袴流頌，以致朝堂，令無太愆，庶事日康，四方風動，增秩賜金，爾墾書褒，諷繫爾責，望得人為重，暨劉尹事功，自慈挺身，顏流卓爾，為治不務高遠，不涉苛細，相時致宜，因利而利，瘼自我蠲，聲由實致，所以懷思去而罔替，截鐙願留，非愚敢覲，胡若稱述，垂聲來世，刻石縣門，永照廓衛。

君諱矩字某其先為大梁望族曾祖塙五季時官司
 諫以銀青榮祿大夫致仕避地北渡遂占籍為衛人
 祖奕大觀末舉茂才數為縣有聲父渤金初登進士
 第有文采終獲嘉令君自少以疾不仕資慈祥家故
 饒財心樂施與凡親舊貧窶里喪有不克襄事者至
 傾刮囊篋以賙其急或者未謝曰非初心也鄉黨以
 長者稱天眷間太一始祖真人以神道設教遠近嚮
 風受籙為門徒者歲無慮千數君舉族清修信禮為
 尤至香火之奉雖寒暑風雨不爽厥德已而君內子
 閻以嗣事為禱真人篆丹符令吞之且曰汝家積善
 久當產異人既誕師果有奇表真人目之曰他日輔

興吾教者此兒也甫免抱即留養道宮三歲識字七
 歲善書既長儀觀秀偉慧悟絕人批荅辭章捷若影
 響由清虛師主盟法席二十餘年輔興之言有充而
 至於極者今追定仙號曰太一二代嗣教重明真人
 由是而觀韓氏一門之積其來固遠以有是子而論
 之君之德槩可見矣雖年甫中壽師易韓為蕭至於
 克荷玄綱光隆教本在韓宗亦為不朽居既歿重明
 躬葬君於四門里祖塙之次母閻氏祔焉禮也六代
 度師全祐顧惟傳嗣之重猥及余末子何以圖報維
 是師真所從出者其潛德幽光表而銘之中心庶獲
 少安乃以刺文來請師於某祖妣妙清君列叔父行
 義不可辭遂叙其世次而係之以銘曰

作善降祥長惡得屬在理必然隨感而至赫、韓宗
德顯河衛衍慶及君濬而瀛淪侯著而發乃生異人
異人伊何太一次祖提挈玄綱鵬騫鳳翥庇及本宗
光隆邱土松柏蕭園連崗接武神格仙遊有未容與
風駕雲軒同翻共馭純化追遠歸厚來昆沂流尋源
以表道根勒銘墓石永賁四門

太一三代度師先考王君墓表

君姓王氏諱守謙字受益博之堂邑人世以播種為
業致資產豐阜田以井而計者九系以株而會者益
萬數焉遂為里中鉅家然闔門善良薄於世味奉道
之心亟若飢渴聞太一教以符錄濟度世厄所在奔
走惟恐其後君乃與其配李氏欽挹真風不遠千里

願為門弟子量家歲費外悉以贏餘為本宮香火供
有子曰志冲即今太一三代度師也師生而岐嶷七
歲出就外傳應對進退皆中禮度及毀齒善記誦善喜
讀老莊等書初君董田務於野午憩蔭下寤寐間若
聞呵喝聲見數青衣人導一童子前來且曰天仙過
此可少避恍視之無有適師持壺漿來饁君異而不
出口自度是見恐終非田舍中物也及長父兄與議
婚不許曰去家入道乃所願也遂禮二代師為黃冠
以經明行修得度入道士列既嗣法席遭遇道陵特
賜號玄通大師君聞而喜曰天仙之異誠有驗矣且
曰平生奉道獲此實報王氏為有後矣享年七十有
六考終備下師以禮塋本縣王莊里祖塋之右母李

氏祔焉。今度師勅定仙號曰體道虛寂真人。其師真
之德靈應之蹟詳見墓碑。茲不復云。六代度師全祐
嗣教之七年。自燕命提點張居祐等以禮幣來謁。且
致其意曰。道家者流。雖崇尚玄默。而太一教法。專以
篤人倫。翊世教為本。至於聚廬託處。似疎而親。師弟
子之兩間。傳度授受。實有父子之義焉。今三代師真
其在宗門。表墓有碑。嗣法有傳。可謂光且顯矣。然物
之在天壤間。未有無本而出者。今未有餘榮而本為
寂然。豈厚人倫。輔世教之理哉。敢百拜以表辭為屬
幸。憲使無拒。予以師之言。誠為知所本矣。遂諾而作
之表。

故真靖大師衛輝路道教提點張公墓碣

銘并序

道有綱紀。需人而後弘。如上承師真。下綜法務。以公
材吏用。而開立佐之功者。其鍊師張公乎。公諱善淵。
字幾道。趙郡平棘人。生有異相。比長。言灑灑。有序。父
溥。嘗任衛真縣酒坊使。時太一四代祖中和真人提
點。亮之。太清宮溥素挹真風。日侍師於几席間。沾沾
然而嘗曰。吾兒知所託。遂奉禮為門弟子。中知人
品高邁。道價重一世。與游者公卿賢士夫。一動靜語
默。皆中倫。慮公親笑。既久。日有所得。與之俱化。若時
雨然。歲壬辰。河南大兵。公與中和隔離者久之。既而
聞師北渡。稅駕於趙。迺奔奉焉。師忻甚。曰。奔奏。疏附
吾宗門有人矣。即令知太清觀事。丙午夏四月。侍中

和赴

太后幄殿及見亦露寵眷奏受真定路教門提點仍賜白錦法服命代中和頒錦幡寶香於崧高太華二山以祈福祐時衛之祖觀兵燹後鞠為草棘中和昇之經理不三數年神遊燕處頓還舊觀壬子夏六月又從中和北覲嶺邸加號真靖大師改提點衛輝路道教事甲寅歲復奉旨致禮嶽瀆癸丑冬詔天下德赴燕長春宮修羅天清醮公奉五代貞常真人會其所以致顯宗教推轂嗣師高出眾表俾道流傳自公力居多己未春

上南巡臨幸壽宮時公以疾不克朝謁上言念舊近侍存問仍賜御藥蒲萄酒服之病良已故中

統二年換受宣詞有云操持堅正祭醮精嚴隨師遠覲於闕庭奉命敬祠於嶽瀆已加玄號宜煥新章之旨道論為榮焉公資清峭貞幹臨事敏而善斷取眾肅而有方雖一言話出人意表不肯碌混常流中生平喜讀書於老子最有得故行已接物多擬其微妙至於禱禳醮祭內嚴外辦綽有餘裕兩從中和北上沈幾先物往返萬里無不如志嘗奉旨給諸道度牒鶴馭所經例有贖公略無私焉其清介遠大又如此壽七十委蛻於太一順事齋室實至元乙亥正月廿五日也越三日陪奠祖塋之次後八年六代祖純一真人念公有力宗門在玄士為傑出有不當泯於後者丐子文以識墓窆因撫其行實而系之以

辭銘曰：真靖受業，始於中和。荆璞雖美，

器成琢磨，東瀛北渡。載造玄科，

用匪其人，道將若何。公綜玄務，

辦於益多，龍庭再召。尊師顯教，

竹宮咸秩，羽服雲闈。用曲而全，

我力孔宣，玄網張弛。絕塵而下，

道價軒輕，濟之以權。道館驚指，

歎其材賢，儂游有限。雖高深兮易位，

斷石紀行，以大斯傳。尚知為玄門之玄。

提點彰德路道教事寂然子霍君道行碣

銘并序

國朝甲辰己巳間，鹿庵先生教授共城，不肖亦忝侍

几杖，時有為全真學者重玄李練師自相下來買田

於卓泉，立棲真別館，既而重玄北歸，委紀綱士霍君

明道為之營建，不數年，初堂殿廊廡煥然一新，際泉

兩溪，盡植巨竹，陰翳數百畝，中構筠溪亭，招致吾徒

徜徉笑傲其上，由是卓泉道院聞於遠邇，遂名洞天

福地之末，雖重玄創始之勤，而霍君明道實有力焉。

師諱志真，號寂然子，明道其字也。系出安陽縣秋口

農里，大家父諱澤，嘗夢一麻衣道士云：自天壇來求

託宿許焉，寤而誕師，幼不好弄，寡言笑，既長，性淡泊，

不樂榮利，弱冠辭親學道，父憶夙徵，即允其請，迺詣

不樂榮利，弱冠辭親學道，父憶夙徵，即允其請，迺詣

相之天慶宮禮重玄子為門人全真家禁睡眠謂之
消陰魔服勤苦而曰打塵勞以折其強梗驕吝之氣
師從事於此者閱三十寒暑略無憚色重玄諗其為
受道器命主治玄門事挺志誠確措畫井有法及
卜築蘇門委之鋪敦教基弘演宗緒俾特達而有所
樹立焉師披荆榛掇瓦礫攻苦食淡擴充師志復闢
農畝創水磴廣資生理培植教本致遠近尊禮學者
日衆至於齋廬深靜井灶修潔遊人過客如歸而仰
給焉道俗推舉任輝之威儀師滌除玄覽痛自澄治
務正己以格物有辨訟者率用理遣不知官府為何
事羽流敬安一方凝重至二十載之久年喻耳順相
臺吏民宿仰道價請主天慶宮既至受提點彰德路

道教事凡十有三祀年尊德重不俟言論而衆自化
服以某年月日沐浴易衣冠無疾而逝壽八十有一
葬安陽縣王裕里重玄仙塚之側師丰度清逸若山
澤之矐外朴而內敏質直而尚義簡重自居處事得
時措之宜和同光塵接物無徇俗之弊其訓導徒輩
言約理到以身為律度可謂純乎其純玄之又玄者
也門人壯志用夙承提誨圖報無方琢石紀銘期傳
不朽乃介太一純一真人李公來屬筆予既重李請
又與師有夙宿之雅既叙其行已而系之以辭銘曰
道之大原玄文五千誕誇索隱匪其正傳質稟貞素
心地善淵惟昇也全內思靜專耕田鑿井順乎世緣
修己求志繕吾性天無欲觀妙是為道之自然尚無

往而不可。孰間朝市之與林泉。若人者雖乘化而委
蛻。安知其精純之氣。不乘冷風而仙耶。門人攀慕。白
雲翮。躡勒銘松臺。何千百年。

入與嗣自凝寂大師衛輝路道教都提點張公墓碣
銘并序

師諱居祐。字天錫。世為汲郡人。父道用。居樂善東北
坊。以茗飲為業。師早失怙恃。兄居仁訓育。有方。甫長
。愿立如成人。然向慕玄風。亟若飢渴。思得大字師依
。歸以果其腹。歲壬辰。天兵下河南。時太一四代度師
。自柘城北渡。應大將撒吉思請。主新衛昭順聖后祠。
。居仁舉家崇奉。遂命師為門弟子。居無幾。何度師北
。遷住趙之太清宮。以師童侍有年。謹敬不怠。念焉遂

度為道士。俄命掌觀之廩料。出納詳明。儉而中禮。曾

無撮龠之悞。度師稱其能。時衛之祖觀兵後燬廢。掃

地。度師遣提點張善淵詣衛興復。且請師以佐葺理。

允焉。師為戮力從事。小大之役。率以身先之。既而張

侍鶴取北觀。營建事師獨任之。不十稔。壇殿齋室。下

暨庖福庫廡井。一新。己酉春。中和真人還衛。顧視

喜其得人。己酉冬。中和昇寂。師辦易奠事。焦勞為多。

丁巳冬。以事召赴行殿。勞歸。霑衣幣有加。還貞常真

人。以師貞幹有節。命知宮事。繼陞充提舉。中統三年。

上遣使植碑壽宮。師復趣辦。不踰其素。於國光有華。

至元十九年。六代純一真人嗣主法席。以師道行純

粹。勤恪有功。言於朝。宣授凝寂大師。衛輝路道教都

提點七年間道流推服教門增重焉廿六年二月五日得寒疾再宿談笑而逝及歛予臨視面如生吁亦異哉享年七十有二越七日提點范全定等葬師於四門里祖塋之側禮也師為人樂易無機械苟有過須問之人而無憚於致不然咽若有物所梗其歷事三師前後五十餘載護道服勤始卒德不爽純一真人以予鄉曲故持杖來謁銘因憶十九年冬予寓大都道宮適師與會宵永無寐龕燈爐火尊俎談舊嘗及萬靈坑事悲世故之無常悼逝者之如是凄然動華表歸語之感故師每歲例清明后一日丐飲酒者楮幣等物斗量車載展祭塚次以慰御梓冥漠之魂惟恐其心之不盡也其於存歿兩間亦追遠歸厚之

意也欵是可銘之曰

太一設教

幽顯兩通

凡曰云為

須人乃崇

猗歎張公

德度冲融

致身福地

逢教之隆

敦兮若朴

發之天衷

寂不俗絕

勞而有功

師事三葉

罔異初終

一朝委蜕

為報何豐

祖塋之東

萬栢蔥籠

陪奠其側

若堂有封

鏡銘表石

永示無窮

故卓行劉先生墓表

先生諱德淵字道濟襄國中邳人性癖直有操守好學能自刻厲及游濬南王先生門思索辨惑等說自

是饜飫史學為專門之業古心古貌非禮義不妄言
動一芥不取於人朋友死雖千里遠徒步必至觀前
賢竒蹟偉行擊節嘆賞而不能自己至椎耕牛以饗
竇王殺乘馬而祭昭烈其或憫時之艱急人之難切
於己私而不置也始則人天以為異既而疑馬終迺
嘆服曰先生篤行直躬守死善道者也北渡後赴戍
戍試魁河北西路遠中統建元三府辟其行能授翰
林待制晚節知圓鑿方柄不能與時匱匱乃以所得
成就學者立言傳後著三為書數萬言其說為天地
立極為生民立本為聖賢立法敷析溫公通鑑數百
條扶翊章武俾承正統及見考亭綱目書多所昭合
沾沾而喜曰吾天地間可謂不孤矣又通古文竒字

士多傳習之凡經指授者雖節目礫硠表有所立
或惜其獨善不顯諸用然振衰善俗激厲後人多矣
太保劉公左轄張公以鄉曲義來周卹皆却之曰吾
非孺涼閣然媚於世者也至有以禮願交而弗
之允者許魯齋每道邢必式閭致恭而去壬子秋不
肖始覲先生於昨對榻學館夜參半欵起撼予曰吾
於漢丞相亮論議際有所得惜不並時當有說云
至元壬午予按部夷儀謁先生於天既齋棲遲蓬華
心融一天自樂其樂英發之氣至老不衰先生近何
述曰造作四克辨天府七星挽章予以張皇幽眇振
濯漢靈一何壯也臨訣握手予曰吾耄矣斯文未喪
子其自將行有以昇之既而聞卧疾慮乏調養詢諸

友生始知先生有子樸早世女孫一適康氏子新婦
女孫皆不聽待疾卒年七秩有八時至元丙戌九月
廿二日也葬蓬山之西邱後十五年晚進王寧合鄉國
議來請曰先生學貫三才養素丘園行婉於古人望
高乎一世沒當易名用垂光範予謂寧曰士風之不
振也久矣道義之斷喪也微矣安得高風苦節如先
生者哉昔孟東野以詩鳴唐張籍私謚曰貞曜程伯
淳以道自任潞公捐之曰明道今扳二例如以卓行
加之則名而行為顯允矣門生民部尚書戎益將礮
石表墓以圖不朽大德三年龍集己亥仲冬吉日翰
林學士中奉大夫知制誥同修國史秋澗王惲為之表
秋澗先生大全文集卷第六十一
廿八日校

秋澗先生大全文集卷第六十二
文

詛蠹魚文 并序

王子曝書于庭風動帙開有蠹十數輩徜徉其間取
書眎之甚有嚙壞者遂為文以詛之亦且據予懷之
梗槩云其辭曰

嗟上蒼之生物兮曾巨細之不遺隨一物而一名兮
乃各有其所施龍驤首而霧集兮鷲搏擊而翰飛
緣隙而射蝎兮蚓含淒而應時蟻結陣而雨妥兮
蛛縈絲而喜隨至於蛇虺毒而虎豹猛兮網繩獨及
人得驅而遠之彼蠹魚之何為兮當去之而不疑我固
拙而未負兮尚其書之滿家規姚姒而法周孔兮浩

波瀾之無涯。念披讀而有次兮。譬草木之品。歲翻閱而莫周兮。蠹乘隙而遺蘖芽。感餘沍而化育兮。何族顛之紛拏。正如深山大澤。人迹所不至兮。足魍魎而生龍蛇。爾名為魚。厥號曰蠹。無鱗鬚以自衛。不潛淵而躍渚。披景慕之虛名。蘊蚕食之邪慮。天壤之間。充汝腹者多矣。尋茫茫之墜緒。幸不為人之害兮。唯簡編之見惡。信黃卷之有味。汝得幽潛而饜飫。豔輕碧之微軀兮。曳白鬚而容與。曾賢愚之無間兮。輒遇之而必妬。誰謂汝無牙兮。何以穿予之竹素。紛篆籀之紆屈兮。致篇章之耽誤。欲散帙而撲滅兮。念忌器之善喻。芟春薺之纖葉兮。雜芸芳而細注。恐物感之有驗兮。庶噍類之一去。曾少力之不獲兮。愈滋蕃而

無數。汝豈學道之人兮。咀糟粕而未悟。將生死於文字之間兮。凝精思於朝暮。不然秦李斯之徒兮。師六經而依據。一旦燔之而叛道兮。俾黔首而聳聳。流餘孽而見化兮。終宇宙而惡著。聖防謹其萌芽兮。堅冰凝於霜。倏苟不處而不區兮。恐齧缺而無餘也。布我床榻。汎我庭宇。亂牙籤於風中。趁秋陽之烈。馭既不。能全湯鼠之磔裂兮。以炎暉而為治具。藉流燂之熾。斃兮。書難為之一標。燔醜類而莫逃兮。滹糜竭於諸部。失餘沍之所在兮。歛炎光於書戶。齊潔竹書之簡。森列周宣之鼓。固我肩鑄。若有神護。喜卷舒而無恙。殆遺亡而見補。既收書而入室。遂慨然而懷古。彼微蟲之蠹書。尚為害而斯巨。吁姦邪之在朝。妬忠直於時主。

其擯斥危亡之禍將何如哉嗚呼噫嘻我得之矣
器管蔡為周公之蠹兮幾謗成於王所賄子西為宣
父之蠹兮化不霑於荆楚滅倉媒孽為子輿之蠹兮
道不行於東魯上官媚嫉為屈平之蠹兮賦懷沙於
汨浦匹夫絳灌為賈生之蠹兮老長沙之一傳孫弘
變詐為仲舒之蠹兮策不施於漢武恭顯譖慝為蕭
傳之蠹兮致炎運之中阻封倫小人為鄭公之蠹兮
太宗幾以刑而為務盧杞姦邪為真卿之蠹兮卒糜
軀於賊虜逢吉陰險為裴度之蠹兮播緋衣之訛語
蠹兮去之而不可疑兮尚拔山之固兮况任遇寵信
返為忠直之輔兮奮筆成文吾為此而懼兮

祭諸葛丞相乞靈文

維大元至元八年歲次辛未九月壬戌朔某日承事
郎前監察御史衛人王某敢昭告于
漢大丞相忠武侯諸葛公之靈嗚呼事有曠百世而
相感者以道義故也維公挺天人之資奮雲雷而起
黜功利之邪說明剛健之正體攘伏群陰嗣興漢紀
兩立偏安幽燭厥理茲少康克復之本心何戰國縱
橫之可擬由是而觀公之志何意於鼎足而峙也至
於開誠心布公道從權制示儀軌牧民訓兵賞善黜
戾以君臣大義而言乃忠武開濟之餘事也宜魏人
畏之而席如走狐狸而號魍魎偃回旆之威靈嘆竒
材於壁壘故三代而下巍然王者之佐惟公一人而
已繫一介之凡庸何清光之敢企然楊洪蜀郡之功

曹楊顯莫府之屬吏，違一言而表擢，感忠規而隕涕。又如李平廖立，以過見廢，俾之怨艾，固匪遐棄。及夫蜀婦既鑿，痛吾已矣，恨終在社，發憤而斃。是又見公不屑與新之教，采葑采菲之意，無以下體而為累也。若憚也質朽才疎，有志未遂，年迫知命，動味操履，端跼仕途，幾年于此。八月行臺，僅免官謗，三年御史，莫吐其氣。今則俟大治之甄陶，聽鼠肝而蟲臂，蚤耿以自信，復何為而何逝？恐生無益於人，死罔聞於世也。用是中夜慨歎，不遑寤寐，乞靈祠下，陳辭而誌我公在天日，星昭緯，容光必照，奚間彼此。思甄濯其塵穢，扣囊底之餘智，覲增益其不能，為砥訂其頑鄙。付清明於眇躬，極臣子之所止，有來厥脩，神所惠祉。庶

免夫年與時馳，意從歲易，悲嘆窮廬，遂成枯萎。區區之懷，竟無及於追悔也。尚其

為虎害移澤州山靈文

大元國至元十二年九月日，承直郎平陽路總管府判官王憚，近被藩府檄伐石東鄙，有以虎害言者，謹移文以告澤為州當太行心腹間，傍雖長林巨壑，獸蹄所交，窟宅所在，然鳥獸陰類，神寔主司，陰禦默捍，限隔常處，制其暴厲，使無犯越，以為人害。此神之職，守吏之責也。今不逞之獸，悍然不安其所，食其所不當，食怖農耕，梗行路，啖民畜膏肥，厥身以孳乳，其遺類亂區制之常經，忽太府之命吏，是將與吏民雜處。此土方今聖賢在上，世道清夷，政令簡肅，年穀登

盜賊弭守吏者承流宣化牧養斯民為任坐視若此
安能俛首降心偷安朝夕容此物橫重念民之於國
備犧牲粢盛供天地百神之祀出兵賦芻餉佐軍旅
征伐之用重繁若此幽明兩間敢不敬忌以顧恤邦
本且民又未嘗輒犯於彼胡為而然哉若曰妖孽之
來益有由然祇吏之不德政有不善自有任其責者
奈何禍延平民使屠者行者喘焉懷旦夕不安之
恐一至於此哉即欲窮幽致討勒絕而後已逮禽獮
草雞等耳然神不於其告輒從事於彼是守吏不有
其神此文告所以先也維神聰明正直念守吏克虔
之告思職分當然之理赫靈威迅符牒搜索充渠斃
諸原野餘則鞭笞驅逐遠放林壑限以常處永絕斯

害使一方安靖遂田里有生之樂雖神之職也寔神
之惠也惟明靈其圖之

瘞畜犬文有銘

犬之於人有功矣晝則守禦夜則警盜其健則能搏
物猛則能取威窮則不遺其主靈則不失其家茲犬
德之大率也予有畜犬曰蒼蒼頭鬣被體耽然有
獅猛之姿誠猥狎之上品也其為德則不貪饒不詆
穢不虛吠不狂遊寢有常處履擇其地投之物非嗾
之不敢嚙叱之退非招之不敢前至於親屬賓客一
及於門墻者聆其聲亦能識其人指揮馴狎咸會人意
可謂有人性而無狸德矣嗚呼物之生禱而壯而
老而病而死順常理也主人何憾焉且計其歸

于我以至於死蓋十有一年于茲其服勤守禦功亦多矣主人惻然而與命童子具菴鐘裹以寢簣枕用玄石瘞於古堞之下亦弊蓋不棄毋使首跽之義也記曰補田鼠者祀之矧犬有功於人也昭矣故係之銘其辭曰

嗟二奇猥穢筆之種曰守曰禦或靜或動靡失其常風鳴意聳卧護我家取威于衆相非狸德亦馴且勇唯有稱德與良馬共生也服勤死當禮送弊蓋之義敢不是奉

諭平陽路官吏文

為判官初任時作時九年五月也

契勸國家張官置吏本以為民且縣而州而府吏而官而長雖上下分殊大小職異以承宣而言是為一

體至若親臨民事周知下情如賦稅課程婚姻良賤債負田宅刑名等事推明根源分別曲直兩盡物情一歸于正為莫若州縣耳故諺有之既為民父母當作于孫者此言雖微可以喻大恐不當憚其煩勞一委於吏致開塞倖門情生詐起附會科條高下其手富強恃勢者理本曲而返伸貧弱冤抑者情以鬱而罔訴事體既乖勢成稽滯及愬者有辭莫可推延仍作疑似上之于州司設有窺避事情捨難趨易艱於勞心者止憑縣解略不詳審輒上於府者有之易而有謂者一委胥吏聽其飾說亂行剖決者有之謂如按驗未完辭情稍備或明其條章不行定擬冒亂上陳倖其萬一者有之又念徇情同列者視違錯而

不言既滿望代者以患失而為慮至於辭不清明而曰
民囂於訟身不力行而曰事擁于下以職以分何不
思之深也總府固當持大綱畧苛細不宜求痕洗垢
以察為明然念軍國之利害刑罰之枉濫脫或差悞
而總府亦不敢止守大綱究其所以自有任其責者矣
至若總司行有不逮虧一道之紀綱亦何以迓朝廷
共理之責乎又念郎官上應列宿苟非其人百里受
害靜言思之可不畏歛衽聞公等類皆明直恪勤官
政小則寄百里之命大則近連率之職天官天祿寔
荷恩榮獨有履正奉公竭盡心力以功名圖報上可
以答國家委寄之恩下可以塞為民父母之望噫社
稷人民莫非王事視如私家無不修理推廣此意又

何俟告辭之丁寧公移之督責也自今以往計能強
其所當行勉其所未盡以一體為心共理為務遠德
積習作新斯民使一道元霑被王澤而遂有生之
樂寔公等之力總府敢叨其功乎所以集衆思廣忠
益者惟期王事有成則總府亦庶乎其寡過矣

敦諭百姓文

汝等性秉五常智周品物聞善必遷知過速改此為
固有之理恒久保身之道也方今明教化勸農桑彰
善彥惡為務庶尔有衆比屋安然遂有生之樂此明
天子之意也平陽陶唐故都詩書遺俗世不乏德比
者自遠思之化陵夷衰晉之風尚氣亢強頗乖正理
致使訟牒囂繁動經歲月較其所爭至甚微眇親舊

變為仇讎，畎畝棄而荒穢，事端既起，歲計一空，亟當戒者，乘氣窒塞，不度輕重，果於自殘，禍延後人，嗚呼！一忿輕生，乃至於此，非愚而何？況朝廷委付守臣之責，非特有司常務而已，正以承流宣化，美厚風俗，安靖一方為重。兄、弟、夫、婦、恩義至篤，也不可因細故而致爭比鄰，共里連鄉，並黨緩急相恤，也可以小忿而興謗，蓋好鬪者喪身之原，健訟者破家之本，興言及此，我心悲傷，汝也何心？忍於為此，當念禮讓者安順和睦之方，孝悌者福澤富厚之本，一日自新，終身樂地，能爾何止公庭致束杖之清，田里獲共安之樂，將見祖先神靈安於上，子孫德澤流於下，此屋雍熙永為善俗，豈不快哉！豈不樂哉！據教諭社長者

舊人等，請以此意敦諭中外，使咸知勸戒，毋重其改作也。其有不待教率，自來孝悌勤儉力田，而省事循理而畏法者，申明上司，別加顯異，若先頑如前，恬不知省，上違摠府之訓，下悖父兄之忠告，是亂常敗俗之人，國有常刑，悔將何及。至於有司，非橫以侵牟，豪強兼并而為事，科差不均，力役偏重，縱而不問，以致失宜，使汝下情鬱抑，控告無所，是摠司撫字無方，得罪於汝，將何以息閭里愁嘆之聲，逃朝廷共理之責乎？汝等其詳思毋忽。

勸農文

切惟民生之本在農，之本在田，衣之本在蚕，之本在桑，耕犁把種之本在牛，耘鋤收穫之本在人。

之本在勤。之本在於盡地利。人事之勤。地利之盡。一本於官吏之勸課。夫田功既盡。縱罹水旱。尚有所得。仰事俯畜。延克匡生。稽事不勤。雖值豐穰。終無所獲。賦稅饑寒。將何以濟。由是而觀。克勤者身之寶。自惰者家之殃。此勸課所云急也。提刑按察司欽奉聖旨。所至勸課農桑。使職近緣。巡歷者照簿書其耕播栽植之事。勤惰勸率之方。大抵虛文多。失寔効。勸農之官。長民之吏。安得不任其責。況今春首農事方作。巡行勸勉。適在茲時。仰所在有司。照依已降條畫。徧歷鄉村。奉宣聖天子德意。敦諭社長耆老人等。隨事推行。因利而利。察其勤惰。而懲勸之。所有事條。開列如後。

一 如田多荒蕪者。立限懇諭。以廣種蒔。其有年深墾薄者。教之上糞。使土肉肥厚。以助生氣。自然根本壯實。雖遇水旱。終有收成。若無間田。此最良法。

一 穀麥美種。苟不成熟。不如稊稗。切須勤鋤。功到。去草培根。豈不聞鋤頭有雨。可耐旱乾。結穗既繁。米粒又復精壯。此必然理也。

一 麥可敵三秋。尤當致力。以盡地宜。如夏翻之田。勝於秋耕。概擺之方。數多為上。既是土壤深熟。自然苗實結秀。比之功少者。收穫自倍。

一 所在水利。常令修葺。毋得因循廢棄。倘遇旱乾。獨沾豐潤。是地利徧惠。一方人力。可不加謹。又兼此係朝廷最重之事。切當用意。仰體。

至懷

一桑麻之務衣服所資切須多方栽種趁時科媪自然氣脉全盛葉厚褶長飼蚕績縷皆得其用又栽桑之法務要坑坎深潤蓋桑根柔弱不能入堅又不宜拳曲難舒根既易行三年之後即可採摘

一蚕利寢博養育寔難如浴連生蟻初飼成眠以至上簇必須遵依蚕書一切如法可收倍利嘗聞山東農家因之致富者皆自絲蚕旬月之勞可不勉勵

一耕犂之功全藉牛畜須管多存芻豆牧飼得所不致羸弱以盡耕作其或引重服勞使長有餘力若有羸老不堪者切須戒殺心擅行屠宰

一雞豚鵝鴨之屬菜果菰芋之類皆可養人務須多

畜廣種用之接闕不為無補故古人有言菜不熟曰饑豈為細事

一時至物成罷亞壠畝更加併力收斂以防風雨損壞有失歲計不惟盡廢前功一飯到口自行暴棄良為可惜

一古人蓄積最為急務故國無九年之蓄國非其國也如平陽太原西路例有蓄積往山下饑荒鮮聞山上失所近日官設義倉正為此也蓄積之事其可後哉

一織絰紡績責在女工可諭家長戒其慵惰嚴立程限造成端足以脩粧着蓋非鳥獸必須溫暖可禦冬寒若無衣褐何以終歲

一或有頑不率教情農自安背本趨末敗壞淳風朋
游群飲稱曰事情釀酒屠牲指為口願田務方集耽
樂城市其或別生事端遭值官司父兄親戚理須營
救豈止破壞家產田產轉成荒廢此等切當禁治毋
得輕犯
一有孝悌力田為衆表率汝等舉明到官優加寬卹
如有浮泛雜役可除者即為蠲免以勸餘人
據已上事條仰社長耆老人等各於當社時開陳
隨事推行因利而利察其勤惰而勸懲之不致因循
苟且徒文具而已庶可以仰副
朝廷愛養元務農重穀之本意也除已暗行體察
不如教者須議省諭各令通知

勸農詩

總勸

分司勸課不辭頻汝但聞言日克勤倘使有名無實
效到頭俱是具虛文

糞田

年深蔣種薄田疇糞壤頻加自昔留田果糞餘根本
壯縱遭水旱亦豐收

種桑

年々勸汝盛栽桑相度田園土脉良屬汝一根如法
種明年要見百根長

勤鋤

鋤頭有兩潤非常此是田家耐旱方果使鋤跑功績

到結多得米更精良
水利

細思水利最無窮
普例定傷獨歎豐
倘有可興須舉
似已成母得廢前功

女工

田家門內事紛拏
最緊蚕繅與績麻
主戒婢奴姑勸
婦趁時作活可成家

訟田

近年田產貴於金
明見無憑恃力爭
縱使一時官借
向就中不直有神明

結親

成婚作贅結歡情
往二年深致怨爭
省訟有方渠記

取始須書契兩分明

讀書

孝慈和順草囂愚
說似兒孫自讀書
縱不盡為官宦
去省心解事亦良圖

省訟

典田賣舍屬曹司
何似無爭省狀詞
咬汝致爭元是
賊勸令和忍是良師

畏法

禁網寬疎固不苛
慎毋輕犯被拘羅
更思有理無錢
語試估家資有幾何

屠宰

上司禁汝莫屠牛
間有人來告事由
豈止到官刑罪

慘惡讎相結幾時休

鬪毆

農家蚕務與耕田除却耕蚕半是閑利害不多休致
鬪壞錢當罪片時間

教唆

教唆冤報似循環比及兒孫已被憊若欲人生求利
達正須良善養心田

盜賊

一毫非有莫萌心竊物穿窬罪不輕重是杖徒微刺
託枉因織芥壞平生

飲博

常思群飲與攤錢此事尤須預禁闌酗至輕生輸至

盡恁時雖悔恐應難

安分

貧須藉富、憐貧安分懲貪德自新積取餼糧防儉
歲慎無相率去祈神

天報

四民唯汝最純風天憫辛勤報已豐試看仕途青紫
客大官多半是莊農

終勸

分司勸汝事多忱今歲詩篇意更深切把此詩長記
誦來年比勸預關心

又

文告裁成二十詩篇、皆出老農辭汝婦相勸行毋

急便是分司樂不贊

祭文

先祖妣韓氏祭文

中統元年庚辰秋九月丙寅朔十有一日丙子男孫
某等謹以清酌庶羞遣奠于
祖妣韓氏之靈
韓氏先昌黎之裔枝分派析散處於衛衣冠煌煌文經
武緯越宋有光司空之貴憚觀其譜本支十七猗嗟
祖妣實出其系薰沐膏腴生夫盛去德婉柔嘉主夫
中饋貞祐初元金兵四潰萬室一存危若旒綴時維
祖妣歸于王氏內助我祖畢力家事遂濟坤柔外扶
貞義我堂復構我祀復繼內治雖嚴舒而脫我祖
先歸我考時穡勤苦流寓栢舟自誓鞠養提携遂成

偉器名甲京師一日騰沸抱飴諸孫免夫火水至克

負薪其恩非細欲報之德昊天罔既八十之春不為早
去顧不孝榮養殊替有銜不祛涕泗面被庚申之秋

應辟東魯力辭幕官唯曹是主慮其不淑庶獲奔赴
因遂所求心不違處后土皇天實聞斯語旬日之間

事易其故天誘愚衷駕言西驚拜省庭闈病為少愈
九月初吉星河尚曙有物告終聲裂軒戶奄在床

彌留不去日薄西山矯首云暮風樹之悲有淚如注
盤、新阡實惟高原安之妥之一遵訓言傳家之範

敬奉周旋左配我祖何千萬年嗚呼尚享

廣平郡夫人完顏氏祭文 徒單學士母

懿：夫人金源之裔分派天潢坤柔所萃式承陰教

婉其令容作配德門被之僮。蘋藻主饋化成肅雍。孟母之訓伯姬之恭是嬪是則以號以封三入之道莫嗣續太子挺儒宗種德孔邁令伯陳情不仕而恕救水盡歡心乎日愛素髮垂領班衣在身問安眎膳眷然晨昏野服瀟然林下之秀蘭玉盈庭歲時上壽日薄西山其明則東曾是微恙而不及躬起居燕樂曳。融。彼高明家具慶則那若母若子為壽如何親不知憂孝養終天享此全福幾人則然懿。夫人足慰下泉。周原瞻氣葱蘢居河之濱有儼新宮楹榭無憾哀以送終懿。夫人為婦盡道為母有儀彤管有煒千古是微尚享。

祭王參議文

維中統元年十月甲寅朔二十一日甲戌王惲謹以清酌之奠致祭于參議先生之靈。王公維德之宗教子以義從師于共走也何幸而與點同氣質一變舞雩之風文士輩出繫先生之功公來典衛粵惟八年興滯補弊政有後先激濁揚清巨細不捐樂育之心有如于前士感公知所立卓然顧惟不肖獨有二天每侍几杖接以溫言意向所在多文字間一意作成汝其勉旃家貧親老擇我祿仕床下之拜言猶在耳蜀山蒼。公筮西指董菴之別誠發於衷臨岐眷。告以終始躡蹻沉鱗有俟乎此孰為歸來便隔生死痛彼知己世罕所遇我思古人涕零如雨猗欵先生伊時之麟文彩風流與道日新既惠我輩亦及

我之後人所謂故國非有喬木之謂而有世臣我
豐碑表公之墳公雖云亡其德在民太行盤、淇流湯
湯永懷先生何日而忘

祭王府君夫人陳氏文

大元國至元十二年歲次乙亥二月壬寅朔越日承直
郎平陽路總管府判官王惲謹以香酌之奠致祭于河南
路宣慰副使王君太夫人陳氏之靈伏以詩稱化基
婦道乃隆易讚坤儀徽柔所鍾維夫人之淑蕪著一
躬母儀女範矧于六宗內助既裕化成肅雍彤管有
煒周南之風疑、賢嗣總角從容以契以分昆仲猶
同二十年間獲侍左右歲時拜慶稱觴上壽顧畜殊
常如卯斯覆我草惟纖先蔚蘭樹突而弁兮載同庠

序淡洽薰陶亦叨時譽調官南歸四月惟夏升拜此
堂德容甚暇親哺之食手飲以竿駕言西行辭拜床下
中心惻然誨言灑、日薄西山衆鷗飛翻云別幾何
遽棄榮養聞訃驚怛怒馬如喪英、白雲太行之上
有淚盈睫悵然東望嗚呼適去則順其生也榮較邱
山與華屋終哀樂而殊情懿、夫人壽踰八旬祔安
玄堂慶流後昆是足以慰下泉而釋悽愴於萬君也
惲以官守有限罔獲駿奔既不及撫棺而與謚繫昔
賢兮儼倫以陶侃之忠順知湛君之聖善以不疑之
平反審母氏之慈仁援例私議寓哀於文庶幾薦微
誠而告精魂也尚享

禱雨蒼谷神祠文

去冬今春厥旱斯普。比聞三方既禱而雨。維此衛邦。和氣艱阻。草木焦卷。種不入土。致此咎殃。誠守吏不德之故也。吏不稱職。罰及一身。我民何為。罹此旱凶。嗟。四民最苦。我農止食其力。歲期一豐。早苟成灾。散而西東。恭惟明靈。蒼水之龍。哀憫慈惠。正直明聰。司我兩部。山靈是宗。瀕彼淵池。雲雷之宮。民以病告。禱輒感通。忍以吏不稱職。卒莫救其隆。蟲哉。願迴哀眷。澤我邙。鄙乃以有秋。祀事孔終。

祭王叅議文代史運使作

惟公奮迹渤海。應期挺生。婉畫長材。廓時之清。佐我父相。幾三十年。子惠兵民。以謀以旋。長淮百戰。松漠逾邁。死生以之。而有公在。矯。大節。老而彌堅。襟融。

宇粹秉心。塞淵中年之仁。平陽之賢。哀。衛民賴公。以痊。撫。周原熙然。樂土公雖云亡。其政則舉。走自恒陽。來寓南鄘。瞻邦遺像。齊之蓋公。歌詩知政。決。大風民懷。遺愛甘棠。是比。士而感德。曠乎百世。矧伊嗣侯。義同昆季。嗚呼哀哉。吊罔及哀。生不獲事。遐想音容。河岳流峙。野日荒。群飛槍揚。公不少留。使我涕滂。踟而陳辭。真此一觴。尚稟。

春旱禱諸廟文

旱自去秋極於今春。滌。衛土如煖。如焚。夏麥已槁。曷休我民。秋種不入。饑饉存臻。旦夕惶懼。不知所云。恭惟明德。守臣所欽。民以病困。神心孔仁。用是齋沐。以祈以禳。庶垂哀眷。昭鑒微誠。風伯回馭。山川出雲。一變。

盤氣化而甘霖。袂我東作。庶幾西成。載謁祠下。以答鴻靈。尚享。

七夕祭竈文 至元乙亥平陽府作

三代之制。五祀孔修。群姓特享。或春而秋。欽惟竈靈。並與而幽。朝烹夕飪。一家所由。火水相德。乃神之休。敢致薄奠。于陘之周。有肉如玉。有酒斯柔。味登于俎。香列于卣。匪物將致。匪媚是求。久矣斯荷。庶答神休。尚享。

七夕祀竈。漢俗也。世久不用。獨吾家行之。多歷年所。且前人致恭。或斯苟得。此非予之心也。蓋庖湏飲食所出。五祀神為最尊。薄宦已來。餬口四方。是神即予主。予乃神之客也。匪朝伊夕。不無溷黷。膠撓之瀆。惟神

念客之故。庶有以安之用。伸告謝以答神休。尚享。

謝龍神文

維至正四年。歲次丁卯。夏六月丁巳。朔廿日丙子。翰林修撰郡人王惲。謹以香酒之奠。敬祭于縣西平成鄉龍公之神。矯：神龍。柄雨之機。亢陽為災。非雨則饑。士而力農。乃分所宜。惟百創理。一旱則墮。霈澤在天。屢及我私。疇敢不祗。若神之威德也。尚享。

秋澗先生大全文集卷第六十二

同曰又校

秋澗先生大全文集卷之六十二

祭文

告家廟文

維至元四年歲次丁卯六月丁巳朔廿三日己卯孝
曾孫王惲等謹以香酒時果之奠敢昭告于曾祖
考府君曾祖妣臨清呂氏顯祖考修武府君
顯祖妣孟氏韓氏皇顯考忠顯府君皇顯妣夫
人靳氏之靈先以丙寅歲十有二月為子公孺聘婦得
宣差石君之第三女茲者往之女家躬展禮幣令龜
告吉日維斯時廟授有儀式伸虔告尚享

祭元神祝文

歲次丙辰九月戊戌廿九日丙辰臣某等謹以清酌

庶羞之奠敢告于歲德之君惟神一歲之君百臣是
統端臨巽位獨秉威權悔吝灾祥維神是與臣某父
某年踰知命心切齊家動靜之間既乖攝養公私之際
尤重愆違而又庭戶積殃子孫不孝於七月廿七日
遽嬰末疾將抵時冬困致沉綿力疲舉履日因元命
躬薦愚衷幸奠神明蚤躋和豫尚享

告家廟文

維至元四年八月丙辰十七日壬申孝子惇忱等謹
以清酌百羞之奠敢昭告于皇顯考忠顯府君
顯妣縣君新氏之靈嗚呼哀哉維丁巳歲八月至
今年丁卯秋仲府君捐館十週星矣寔至元四年秋
八月丙辰朔十有八日癸酉也十者數之盈天道

之小變也祭法以春秋享奠蓋因其氣之終始而致
思焉矧履霜露瞻拱木歲月近紀親日逾遠得不極
其志重其感傷乎今之所謂道供豈古致齋御親之意
歟茲者爰即正寢敬演靈章庶仗真筮以證妙果神
維格思式伸虔告尚享

至聖文宣王奉安祝文

謂新廟成奉而安之

於赫元聖萬世作準曰義曰仁風化之本顧瞻清廟
曠茲有年咎將孰執迺吏之愆爰自下車心弗違安
靡朝匪夕載經載營誕彌八月厥功告成奕：新廟
桓：五楹峻以文階重以神幄有翼有嚴乃丹乃牖
爰居爰處以清以寧神格其思享茲菲誠爰暨厥民
日焉啓迪仰止瞻依聿修厥德庶幾報本以謝不職

尚享

充國公奉安文其思

伏以庶工告成新廟孔碩於穆素王之亞聿陪元聖

之居仰底攸寧永歆厥祀尚享

鄒國公奉安文

伏以有嚴闕宮載新祀典仍增光於肖像永配享於

神庭於穆維清尚安且妥尚享

辭墓祭文

維大元國至元九年歲次壬申四月乙未朔十七日

辛亥男孫渾謹以清酌之奠敢昭告于曾祖王父

顯考王府君之靈渾自至元五年冬十月被召赴臺

至九年春用前資翰林修撰由監察御史改授承直

郎平陽路總管府判官已擇此月十九日赴任所今
當遠離墓次伏冀明靈特垂陰祐尚享

祭孚惠神祠文

六月十四日祈雨至十六日申
劉大雨至十九日黎明方止

惟神淵懿徽柔德妃乾方灑沸其泉寔為淵浸屋而

祀之禮固宜矣茲者時雨愆常蒲絳兩州旱暵頗甚

吏寔不職民將何尤夏麥勤而半成稿稼虛而可燎

衆仰一溝之水恃為卒歲之安然得之有限溉之不

濟與其施及乎有數之田何若膏潤夫一境之內惠

郵哀憫伊神能然伏望起伏龍鞭電轂神泓為之變

動川雲隨而翁從細捷注天瓢溥沾壠畝使槁者勃興

而如握熱者得濯而復醒雲漢昭回一滌蘊隆之氣

既婁滿載卒成大有之年神能鑒茲敢忘昭報尚享

大元國至元九年歲次壬申六月丁亥朔八日甲午
承直郎平陽路總管府判官汲郡王某謹以清酌之
奠致祭于有齊忠臣大丞相咸陽王斛律公之神伏
念某以監察御史叨承郡幕視事之初來識茲獄求
情因獲非神疇依惟神心秉塞淵氣餘忠謹始焉義
合於神武終以威馳於栢壁生為良弼歿為明神對
越英靈凜然如在以德以功宜永嚴祀某授館絳園
迫近神廡號收扑擊不無震驚然云悍禍賊寔神是
慙尚矜不逮俾集厥事式伸明薦以克來享

康澤王廟謝雨文

某訊獄絳陽回經太平百里之間秋禾如槁物之生

植時方尚養民之告病不為不勤俾騎陽亢甚耕隴
塵翻誠守吏不職之所致也近雖致禱於鼓墠行復
展誠於祠下及次襄陵油雲四興甘澤霑作郊野灑
然溥獲沾足且神化無方龍德為大山澤一氣初無
間然雖愚衷適與之會寔神顧卹而惠之也用薦明
禋以答靈貺尚享

拜奠夷齊墓文

維大元國至元九祀歲玄默涖灘冬十二月既望承
直郎平陽路總管府判官王某恭以牢醴之奠致祭
于孤竹二賢之墓嗚呼天下有當然難合之事惟特
立者能成之天下有至中大正之道惟齊聖者能明
之三代而下建天地之極定君臣之義揭若日月亘

萬古而不息者其惟二賢而已壬申之冬某以守吏
按事蒲坂仰止高山其立卓爾所謂聞凜凜之風者
貪夫廉懦夫有立志也趨拜几像山烟四起奠以牲
醪若恐將浼有微在山有粒在簋潔以馨誠薦我明
水尚享

祭黃崖山神文

節彼南山奠安一方爰產奇石紫質青章王宮繕興
爾焉來營伐而材之不無震驚用是昭告惟神降寧
庶憑默佑迄用有成尚享

謁西岳廟文

維神德媿坤維氣涵崑潤際四海洪荒之內位寔雄
尊在提封密邇之間禮當趨謁仰止三峰之峻來伸

一禱之誠僥倖之求斷不敢萌憂戀之心庶幾昭鑒
爰生申甫來佐明時冒瀆顛靈宣勝悚惕尚享

安二賢神文

某以壬申之冬來拜祠墓悼其傾圮几像暴露載經
載營今也告成睠彼雷首肅焉神庭繫二賢之德聖
之清兮以孔聖之哲極所稱兮揭若日月何廟貌之
尚兮封而匪屋來者何瞻仰兮蒼煙喬木何山爛其光
兮盤非周粒挂酒苾其香兮神其格思歲永此而享
兮

肇祭霍岳文

大元國至元十三年歲次癸酉六月壬午朔二十有
六日丁未承直郎平陽路總管府判官王某謹以牢醴之

奠致祭于霍岳中鎮應靈王之神。維神峻秀靈異鬱
為鎮山。冀州之野。嶽麓所盤。致興雲雨。祀典載新。報
本信敬。茲為其辰。顧維守吏。歲奉嚴禋。籩豆孔修。敢
告駿奔。乃祝之曰。高且麻麥。兮下宜稌。蛟蛇結盤。兮
物不寐。玉事庶集。兮神所與。

康澤王廟祈雪文

大元國至元十年十二月己酉朔。承直郎平陽路總
管府判官王惲。謹以清酌之奠。敢致禱于康澤王之
神。伏念一冬三白。歲事之常。今者云暮。未覩其祥。寒
律徒切。風埃瀕洞。宿麥雖萎。猶含餘凍。載憂載懼。春
疫為重。彤雲油。既合而收。和氣致盤。政以未修。吏
實不職。民將何尤。惟神降鑒。一雪孔周。災沴不作。

惠我來牟。吾儕小人。敢後神休。尚享。

祭靖應真人姜公文

大元國至元十一年歲在甲戌二月戊申朔十有二
日己未。承直郎平陽路總管府判官王某。謹以茗果
之奠。設祭于靖應真人姜公之靈。某以中統元載。列
職省郎。得掌綸命。

帝遣使臣奉宣

詔旨。起公於晉。有遐想仙標。載勤

駟乘之語。眷之意。何其隆信者哉。逮明年春。獲拜
下風寶玄之宮。野服黃冠。道淳德冲。曾無一言。及乎
本宗。其揄揚稱頌。若恐墮越者。克舜禹湯文武之道。
之功。建祠奉祀。竭夫一躬。退而論思。豈墨名而行與
儒同者耶。及官平陽。載覩儀容。振袂談舊。一沛平生之

宵愈知靖專之性精誠之德足以動三河而沃淵衷也云何一別上仙三峯香黃鵠其何邁將神游乎太空天藐雲高涕泗無從過故都而眷戀庶斯文之可通尚享

兵次孟津祭靈源王文

維十有一年甲戌夏五月丙子朔越七日壬午承直郎平陽路總管府判官王某敢昭告于靈源王殿下我國家將有事於南服桓桓兵甲例作于晉顧予小子寔總其一焉今茲南邁前次河壩尚克顯相其安以濟豈惟可免薄責誠以威靈陰隲以先啓行之力也尚享

祭平陽府東城門文

惟神職司啓閉氣積陰凝今者淫雨為崇已及浹旬害彼染盛動妨民作伏望道迪陽和速成開霽尚享

祭皋陶文

輝以到官四日奉憲部符鞫絳陽獄大小之情心敢不盡恍惚曖昧有不可致詰者使讞議適當生死兩明愚衷不逮神惟能誘之寃滯沉痛捶楚之下求而不獲者神惟能伸之伏惟明靈尚克顯相

中元節祭三代告生孫汾郎文

伏為男公孺新婦石氏於今月十有二日辛巳生子名曰汾郎蓋人倫之事繼續為大因時以享式伸虔告庶憑神佑其安且宜尚享

立社稷祭告文

維神五土之祗百穀之本血食于社萬世依準禮隆墜
而興張本自茲牲醪香脂鼓鐘清夷迄用康年神其
饒而
維神百穀是長萬民之天配食于社古莫能遷名存
實亡乃吏之愆張本于茲神其鑒焉有酒斯旨有牲
肥鮮維神格思歲其有年

范陽房族祖九翁祭文

維至元十三年歲次丙子冬十月壬戌朔十有八日
己卯房孫謹以清酌少牢之奠百拜致祭于
故軍資府君族祖九翁之靈嗚呼哀哉十二年春予
守官平陽祖母慕容氏書來以公訃告國有常制莫敢擅
離然聞母弟忱自疾亟於引柩納壙皆與及喪次雖不

獲戴星奔赴中為少暹也越翼日即縞素為位於府北郊
之僧舍發哀以祭婦推氏子公孺新婦石氏在焉感不
視事者五日迨今年春三月秩滿東還將為指日即
路得哭墓而唁親老也復為中書檄去考試河南四道
滿三月而歸日月逾邁霜露之感積諸中而至于攸
久也如是曠慢不恭之責將何所逭今茲之來駿奔
露處不遑安者凡十有四日含淒茹辛實以祭告為
事伏惟神靈鑒茲哀悃嗚呼哀哉尚享

祭中書左丞姚公文

聖維天開寵綏九有必誕賢輔以左以右手幹機衡
殆天旋斗伊公挺生奮適營柳長句之英遼江之瀏
元氣網緼鍾此特秀脫落俗學沉浸道園姬情孔思

伊淵洛敷一物致知千古尚友起而翼漢雲雷交邁
啓沃淵衷達聰續黠至元之初公縮機紐謀謨廟堂
股肱元首職分六卿網維結糾帝載用熙豐而不部
大明黜陟罷侯置守萬鈞機張賴公克穀霖雨一濡
載清宇宙我武維揚荆襄持以大闢屯田櫛比糧糗
公善開物務深耕耨幽風良耜十千為耦繼倡農司
萬邦是揀明彼王道始夫南畝護軍來歸雪髯垂脰
長江失險萬介北趣特置館筵體貌耆耆春我儒臣
甘盤之舊天理人私自公判剖國勢民機倚公安否
有辯懸河而惠利口四海具瞻漢更高叟龍光稠疊
玉杖拒貞望公百年以佐元后胡不憇遺梁木壞朽
被蒼悠々莫之能究嗚呼公之為學知所先後味道

飲經太羹玄酒平生游藝組綉雕鏤公視餘事為世
瓊玖公之逢辰道合非偶來儀舜庭台鼎鳳雛揚歷
中外足展抱負八十之春已極眉壽考終牖下載啓
其手有子承家公復何疾嗟吾道之如綫念後學之
孤陋與斯民之不幸孰思濟而云救悼自束髮辱知
竅厚拔擢提撕兩端親叩至登瀛洲再承善誘弦晦
一週玉堂清晝今公云亡此會難又悄悄以填膺
淚浪々而霑袖今也送不遑執紼葬不得撫柩寓哀
斯文為一觴侑尚享

故尚書禮部郎中致仕丁公祭文

嗚呼維至元十三年夏六月憚考試河南拜公床下
留語終日言不及私維是治之隆汙民之殿屎法具未

完涕下漣而至於廉於律已老而知止教子以義方
勅斷家事其在倫列如公一人而已此天下之公論非
予得而私議也區區之誠幸惟鑒茲尚享

故吏部尚書高公祭文

至元十五年閏十一月十一日大雪中拜奠

惟中統壬戌之春憚以事累退耕于壠畝者再罹寒
暑既而擇御史開憲府人文之選公以予主不肖誤
蒙公知擢置言路三年裏行我盼我顧豈惟使之增
光迄薄用于今者寔自公之載舉及官平陽公判吏部
不以勢潤怜我推魯每借譽於時人為聲勢之一助
是又見公終惠且勤不我遐遺之故也至於雄文大
冊忠規治具三峽秋濤危波砥柱茲公論之有在匪
鄙言之能喻念公平生霽霽德度霽霽馥於蘭臺悵

歲律之已暮敢以受知一已之私抒予哀而酌公之
墓也神惟有靈鑒茲誠素尚享

外祖安陽縣丞靳公祭文

十五年復十一月十五日

憚年垂髻省識公面蒼髯堂山立而弁遠予成童受
訓母氏公之世家頗聞一二或官御縣或擅科場歷
年五百財雄一方至公而衰亦理之常厥後一紀公
歿于鄉惟嗣因續我考盡傷春秋時思合食祖傍是
用傳訓子孫奉行公殯淺土幾三十霜棺衾改卜未就
深藏姨母雖在顧力弗遑有劣其甥按部洹漳東望
克城心焉靡寧迎置姨母如拜儀形爰念奕事與之
經營及茲春首定公于瑩庶幾畢考妣之志慰安公之
神靈也尚期不昧俯鑒微誠尚享

左丞董公祭文

至元十六年歲次己卯九月乙巳朔越十有三月丁巳朝列大夫燕南河北道提刑按察副使汲郡王惲謹以清醢嘉肴之奠致祭于故資德大夫中書左丞簽書樞密院事贈金紫光祿大夫平章政事謚忠獻董公之靈觀夫大燕南陲全趙北垠神尖鬱茂滹池滄淪蟠精萃秀篤生異人公應運挺出絕類離倫閱敦詩禮感會風雲奮父祖之餘烈策冠鄧之高勛其志慮良賈又濟以武惠惻隱之仁謙而接物勇見於大敵恭以持己孰知夫世臣至於肅齊家範友子弟昆忠結主知德庇生民功愈大而心轉小寵既厚而憂益殷無私蓄為子孫之計不樹黨收門牆之恩其公

亮謹厚又似夫董侍中與萬石君也幾世幾年孕此忠純方沐恩於鳳沼俄星隕於中軍痛丹青之宛轉追畫像於麒麟此非一己之私議在中外哀悼所不忍聞也惲爰自布衣仰公清塵接樽酒於中統之首與賓筵於至元之春每燕語之衍衍顧若揚顯之可賔矧二弟之款曲辱交久而情親雖草宿而罔哭聊寓哀於斯文伸孺子之薄奠庶劍繫於徐公之墳也尚享

遷奉曾外祖殿試新公祭文并外妣李氏

惟公才德兼備元精孕和早擅場屋三中親科人文之譽在公寔多正大初元公卒宜津權厝新瀧幾七十春殯而未葬譬彼行人歸不及家冒寧其身茲者

日吉時良奉安祖傍，祔以元配，永閉深藏，魂而有靈，以貢幽光尚享。

遷奉安縣丞外祖并外媪王氏祭文

憚以前歲後十一月廿三日為遷奉之事，已告尊靈。今者應期舉厝，永慰幽哀，以順從祖，以安則鄉。祔我外妣，闕此玄堂，新雖衰宗，在公未傷。有甥姪以主祀，重時思而不忘，是則不必其子而光揚也。有牲斯烹，有酒斯香，神惟昭鑒，歆此一觴。尚享。
及葬公伯兄 孝思貢士及 姻外

秋澗先生大全文集卷第六十三

元日校

秋澗先生大全文集卷第六十四

祭文

祭蒲大夫文

大元國至元十八年歲次辛巳三月丁酉朔十有九日己卯朝列大夫燕南河北道提刑按察副使謹遣從事賈汝霖以清酌庶羞之奠致祭于河內公之神。惟公德挺群哲，獄清片辭，列高弟于聖門，揚仁風於蒲邑。三善之美，庸能既耶？適星垣有分按之行，過神宇致一卮之奠，庶祈靈既以益，不能尚享。

祭孝感聖姑文

惟神肇迹，博靈遇仙，渦浦懿昭，靈作蚕聖母，千祀永賴，神功斯溥。食弗再則，飢衣弗製，則宴念此歲事。

卷六十四

惟神其惠顧之尚享

故江漢大都督河間路總管兼府尹史公

祭文

幽霄萃氣招搖耀芒合是二者篤生志良惟公應運
挺出起家朔方奮父兄之餘烈荷天衢而鷹揚武濟
文經為旨棟梁宿一軍於陽夏號東南之精強枳棘
非所移旌鎮穰撫我瘡痍靖我邊疆其惠春雨其威秋
霜掇我殘棄變而金湯復我陂障積而陵岡孰慮鱗
介易我衣裳彼氣日索我師堂果上鈞之一戰掃
敗葉於秋高每出奇而制勝初不知古人之所長殆羊傳
之久駐控上流於荆襄雖飛渡之無及吳之所以亡
者本由此而用張能回百戰之餘勇効政蹟之章

鬱公堂之佳樹至今三鎮指為公之甘棠然于將而補
履終所用而失常加憂深而思遠此夙夜之所以遑
遑也竟風悲於大樹奄龍劍於幽歲嗚呼才有餘而
用不悉位雖高而志靡償曾桃李不言而天下為之傷
也公常幕余二年倘徉促膝言笑執手飲觴略吏事
而不責謂國士之或當茲奉恩綸按部潯陽望龍驤
之瑩域能我涕之弗滂馮平生於此辭庸表公之哀腸
噫慟臨江之哭在公則萬事已矣有子孝繼以後則
其流未央神之聽之庶少慰其所望也尚享

祭郝奉使墓文

大元國至元十七年歲在庚辰二月十有二日甲申
朝列大夫燕南河北道提刑按察使及生王惲謹以

清酌之奠致祭于故翰林學士國信大使陵川郝公之墓嗚呼甲寅之冬仲月之尾公自杞來道出鄘邶始覲清揚重於夙契把酒論交笑談游藝顧睽面翔吾子可誨臨別之語一何勉慰維中元春雲龍交際我時游梁與公再會東館相過四并同醉所學所行盡發其秘北次龍崗嘔血而痛書來及予愈見友義我車北轅公已南逝自茲及薨凡十六歲追憶平生潛焉出涕公之問學閱肆汪濊公之文章豹炳虬蔚萬斛淵泉出不擇地太史與倫皇墳可媿浩：江漢萬古不廢發為忠貞見諸行事著書垂聲諒非本意匪予得私乃世公議今我想公令人短氣斯文綫如忍復殄瘁直筆疇歸大冊孰畀偉蹟鴻休光潛揚厲而

最傷公為國出使初館儀真主成和計奉持國書以死自誓介外侮群狃內制節落瘴烟精誠益勵屬國平原同歸一致長星墜芒使軺還轡玉上青蠅何啻一二惟

皇聖明見萬里外錄勞弃瑕予豈汝罪士無賢否入朝見忌膚慙再行與病交劇一債不起萬事瓦弃感時懷人夏來拊髀昔賢有言常論我輩大槩無差節目或滯如公之才如公之志雲夢九吞曾弗芥蒂俯掇勳名高視一世意廣思長反為物制豈惟公傷因以自識茫：大鈞形流萬彙幾世幾年生此偉器贊用德宗誼逢漢帝百未一施胡奪之易難水淪光郎山歛翠隱然一丘保之西遂車過腹痛我懷冒既黃

鳥聲悲助我歔歔臨風拜公哭而載醉嗚呼哀哉孤
忠伊鬱幽憂憔悴生罔能伸死而永閔寓哀斯文庶
昭枉昧公如有靈恐予言為知己也尚享

祭武強南龍池神文

維神威洞淵府奮飛天衢致雨興雲執帝之樞顧此
莫野時極焦槁桑半捲而出作崇穀出壟而氣未蘇
農官至無可而勸窮民將失所圖匪惟吏責恐亦神
之所當虞也况蒼精昏見適時之雩望靈池而致禱
庶少鑒其區々嗚呼帝仁而洞下君也我當
供厥職耳免吏責而歲有成報其敢後諸
尚享

北嶽祈雪文

冀之為分方數千里惟嶽峻極于天神奠安之水旱
疾痛神主宰之今者地不歲陽寒氣失序歲律向終
未霑冬澤俾野土不膏宿麥無望春疫將興已足深
慮飢饉荐至民何以生祈穀請命憂人之憂是亦部
刺史之責也悽悽微誠敢用昭告尚享

祭侍講學士竇公文

惟公性極純誠道深養浩幼學壯行出人意表於周
吉士在漢有道以術濟人方德則小丁巳春識公於
沙麓之墟辛巳夏吊公於肥縣之保憶忝列於瀛洲
閱歲華者再秒世知公漢家之羽翼我以為中朝之
元老謀方膺於聖咨憂遽遺於丘禱今也云亡士林
悴槁据愁遺而論斯民有無祿之歡以順受而言得

五福終命之考再拜墳阿奠酌草心顧葉籠之纖微
蓋以答平日之不我少也尚享

丞相史公明忌日祭文

十六年三月九日接部中山府

維公出入將相存歿哀榮公自去世于今幾齡定人
思公雖歿猶生永言不忘曰忠曰貞見之範圍展也
大成勛歲盟府德為世程赫々堂々如山不傾定人
那知功被齊民憚向侍燕几馨啖親承今遇明忌未
拜神庭感念在昔依々我情有樂陳列有嗣在盟岳澹碧
映堦酌茲一觥尚享

定人像公於西北隅此日享祀謂忠孝會

史公祭文

惟公德冠群后望隆漢儀一節四朝知無不為收武
定文綏之畧有金聲玉振之規發至仁於易簣識天

運之盈虧何已私之曾及顛戒殺而為嬉雖羊祐知吳
亡而勸進房喬以征遼而未宜固足與之等夷也嗚
呼柱石巍々欵然中微風雨震凌併蒙者誰得為善
者嗒然而若喪變怪者百出而不疑此又世之虧歛
而含愴也公殿是邦尤極恩威我豐碑於國門宜鎮
人之涕洟切嘗荷公左提右携豈孺子之可教在卯
而翼之々恩大有濟於艱危及聞公薨身繫情馳曠一
奠而如負蓋五年于茲也今我何幸改昇燕陸歷河
山之故封悵音容之依稀念公平生其能已而公雖
云亡為世著龜公爽在天尚克念之蓋生而矜其愚
既有以省錄豈歿而知其來復無所維持也追感德而
曷報庶不辱我公之所知尚稟

岱岳祠禱雨文

崑、岱宗雷雨宅兮，良震對代生物仁兮。片雲膚合，天下澤芳。茲者春霜例災，桑柘空兮。二麥含實，勃將槁兮。秋雖下種，不出土兮。無褐無糗，歲何卒兮。衣被饜飫，膚合力兮。仰惟岳神，其念茲兮。憂民之憂，而亦部刺史公之責兮。悽、微誠神，其鑒兮。尚享。

黃石公祠乞靈文

惟公鍾秀崇邱，降神圯上。靈氣驚世，愔恍莫詰。如子房以韓亡之餘，開炎漢之業。為帝師之崇，其顯授陰翼。竟濟世美者，先生之神之功也。不自稂叨時名，艾服官事。余廿年，每以昧於事機，動成乖戾。為愧然非其材而樂之者，有賢父兄故也。矧先生之明靈乎。至若

矜其愚昧，濯其固陋，增益其所不能。非先生其誰用是乞靈祠下區區之懷，神其鑒茲。尚享。

修治新阡告成文

饒口四方，幾二十載。歲時拜掃，禮有不逮。水泛雷轟，未免惶駭於其事。

亡不孝之大，即此良月。躬為修治，芟蕪剪棘，增高夷地。補植林空，再釐風水。郭以周垣，隆阿四起。樹門神游，題阡表氏。揭虔安靈，非直觀美。功今有僞，以告以祀神之聽之，以免永世尚享。

韓君大祥祭文

嗚呼，王宗韓氏通家。往來三十年間，情好孔懷。矧惟亡友，吾門上第。貞幹風生，發強剛毅。其在諸生。

先子所器年近而立揚歷中外臺掾郎曹名聲歲
前歲之秋告別何遽曾未越境夢隨川逝日月云邁
奄復祥祭論其受年校夫稟氣老而益強期願可致
衆維^盡傷去之太蚤古云五十不為之夭宛彼二雛
卓有所樹翱翔仕途儘持門戶依^以孝思以永終譽
君如有靈亦足以慰夫懷之素也尚享^四
為姓氏告亡妻文^林
維丁亥歲六月十八日丁丑夫惲謹以茶果之奠告
于夫人之靈推之為姓世不多有故嘗詢其所從出
為汝討論者有年一無所見適讀潛夫氏^姓論曰推氏
建氏南氏舒堅氏魯陽氏黑肱氏皆出楚之^姓者先
君熊繹氏之胤其來光且遠矣嗚呼夫人歿而有靈

亦將歌慰其光且遠者用是不敢不告尚享

中丞王公祭文

大元國至元二十六年歲在己丑二月辛亥朔越八
日戊午反生王惲謹以清酌之奠昭告于正議大夫
中丞王兄之靈嗚呼朋友之重義列天倫切^之悃
疇非弟昆惟君顧我而我宗君以志則一以分則親
如漆斯固如蘭斯馨而敬而愛^益久而盛新爰自垂
以及於冠授業蘇門各伸志願智愚雖殊道則一貫
君秉淵塞浩無涯岸脫畧^辭華好謀能斷嘗論士心
酬酢萬變如匪中立鮮不^勢亂此予少君餘何足算
我時念君大器已見敦我鄙薄激我愚懦治任將歸
而子獨眷^分使符有最無殿在昔相度有若昌黎

辟佐戎幕大為已知及論國計莫之與規裴非少韓
有崖其間隱忍就事材為實難穆忠武曰伊曰呂
桃李盈門都士如兩同升諸公曰僕是與初拜中舍
謂輕所處長屋六曹是為之所自後騰揚又知所主
曰史曰張曰姚曰許交口薦愉蟠鳳翥望君廟堂
致主竟禹其經綸國業固足以見君之器宇彼或無知
奚我艱難淮海歸來道在心小角中私策日事墳討
周防有餘地虺結繳說火燒城甚於原燎伊鬱積中
不無熱惱嘗切諗予憂世心悄覲閱何多受侮不少
每見慰寬外物一掃擴量冲融致養強矯死非所憚
此何足擾如金在鎔百鍊不撓白首窮途亦足枯槁
留使咨謀為世儀表此天下之公論非一己之私禱

云何不淑不慙遺此一老吾乃知蒼報施於焉有
未晚者念君問學天人理曠臨終永訣投我腹稿語
何琅琅秋空日杲淚洒行間茂陵遺艸哀二子越
王陳寶賢而有文適追來萃所存者長況不為天鍾
鼎一事古人誰了嗚呼事至蓋棺夫復何尚精爽不
昧而來者是係我莫兩楹腹痛如攪纏綿平生相期
遠到苦樂行違知者惟鮑德常情異心同貌者夫
知音自深痛悼我過孰寡哉履孰蹈有慟無聞徒辟
而標淚下河傾寄茲一抱嗚呼哀哉尚享
路祭中丞王兄永訣文
維君率度凝遠內明而外閔以予交游之久頗髣髴其
一二其所以斯疾而至於斯者而皆命之所致耶豈用

有餘而嗇於行耶。物或犯而隱不校耶。欲求合而反得乖耶。剪可愛而戕老懷耶。不然何氣運衰謝。叢一躬而苗耶。方謗之興。予適在燕。嘗表裏乎西溪。致一言於諸公之間。力雖微而莫辯。庶幾友義盡予心之拳拳。用是生有以書慰之。歿有以文誄之。又罔以不敏復銘而賁之。辭固斐然。思罄單無愧而已。今者執紼徒送永陽泉路。然古人神交。罔間存歿。臨岐贈言。故不憚其再瀆。伏惟明靈鑒茲微悃。尚享。

御史中丞王公誄文

大元至元廿五年歲在戊子秋八月十有一日。前禮部尚書御史中丞東魯王公薨於維揚之客舍。友生王憚謹遣子某致奠。以不腆之文誄焉。其辭曰。

顯允王公。天姿粹精。文辭翰墨。外彪中翔。年甫弱冠。四擅華聲。從元問學。館中作甥。二公提擢。大潰於成。繼以賓師。主善共城。始拜公面。歡如平生。忘年定交。實為畏允。青燈孔序。絳帷趙廳。尊酒文會。桐陰滿庭。既謂寥休。偉其豪英。力薦於上。與之同升。帝曰汝冕秉心和平。乃眷乃顧。詔扈南征。潛鱗縱壑。

天衢荷享。一命卿貳。尋擢歷亭。改漕京兆。以廉見稱。擢之提憲。以顯以榮。褰帷杖節。激濁揚清。移鎮三晉。八州牧宰。載臨恒衛。兩河肅澄。霜空千里。一鷄獨橫。走赤貳車。戎冠振纓。言議甚行。王事每兢。其臭斯蘭。其堅斯金。兩秩五年。愈親愈誠。誼賊搃以。王度載貞。

整我六曹春官首微再執行憲屋中作丞守以大體
與時浮沉西湖激碧吳岫空青公餘吟醉若慰霸情
用是北歸伊誰云憎徜徉淮海子潛疾嬰俟其少間
偕之北行豈其奄忽痛幸延陵剛弗愛克遂傷厥生
壽昔之夢飲於兕觥予欲從之扞格莫能今悟或別
神交匪冥今歲夏仲手書是承寄是新作託之稱傳
豈意期月邁此凶屯初接傳聞既疑且詢繼來訃告
大為震驚於戲已矣王兄歿而有靈鄙懷我聽以公
壽言六十六秩未嘗疾痛體胖心逸以公宦業通貴
之極三十年間略無空隙以公文章不事彫飾平易
溫雅簡而有式以公聞望楊休山立聲價一時荆金
趙璧以公亂嗣怡、蟄、翠竹高梧鸞停鵠植所為

福全百福無逆是用慰公能事可畢方之吾儕又有
大弗克及者秉彜豐厚度量寬宏愷悌樂易碩大光
明不以達貴我崇彼輕不以己長格物自矜心無城
府口絕否臧孰為機張以虞以防坦焉蕩、內敬外
方汪、黃陂抗之不渾巖、高山仰之彌尊天下之
人不間識否聞君之名僉曰良友是喜是愛稱不容
口我觀氣運有通有窒或負而乘君子宜息遺逸阮
窮固足推抑遠足飄蕩忽還穹碧是用爽傷載悲載
泣維此善人天地之紀幾世幾年生此偉器一朝云
亡歎興殄瘁茫、九原愛莫之起悠、此懷曷維其
已上以愾斯民之無祿下以惜平生之知己嗚呼哀
哉尚饗

推氏卒哭祭文

至元廿四年歲次丁亥二月壬辰朔十七日戊申中
議大夫王惲謹以玄酒庶羞之奠敢昭告于亡妻推
氏之靈嗚呼禮嚴卒哭氣渝一時愴然興感悠我
思去日漸遠神而明之爰仰道官有求莫知哀薦成
事用光其儀君子與孫衰衣纍心焉寸草恩則春
暉仲哀報德泣涕交頤而於自致其殆庶幾惟靈降
鑒以慰永悲嗚呼哀哉尚享

祭三歲佛圖澄文

惟師薄游寰國寔開帝聰聞音知物變眩幽通非此
無以回猛鷲而神事功我師真筌不忘在空來拜祠
下辛歲初冬酌觴乞靈裴回呪龍庶一勺之達水滌

野人之心胸也尚饗

祭宋文貞公墓

至元十九年歲次壬午五月己未朔十一日己巳謹以
清酌之奠致祭於唐太尉文貞宋公墓下嗚呼惟嶽
降神生甫及申為周之楨如公之生於唐迺開元之
治具也昔玄宗能遠而不忘一旦召而相之何其明
邪及惑伶人一謔公終老於家何其昧哉豈天寶之
亂於後有不容置大器於久安故於戲往者何咎國
家方以親賢為急天或寵綏四方若公者復克降靈
作甫為申免夫望壠思賢之歎此臣子所以再瞻隧
下動曠世相感之意也區區之誠惟神其鑒之尚享
授少中大夫福建閩海道提刑按察使告

祖宗文配三祀八...

至元廿六年歲次己丑八月丁未朔越四日庚戌孝
孫惲敢昭告於王氏... 宣命進授少中大夫福建閩海道提刑按察使是皆
祖宗奕葉德積之故越小子何敢存歿光顯宜知所
自特陳薄奠是用昭告... 維至元廿六年歲次己丑冬十月丁未朔十三日己
未少中大夫福建閩海道提刑按察使王惲致奠于
故待制徒單公之靈嗚呼禍與福善惡以應之變其

常理有不復致詰者惟翰林侍講學士顯軒先生厥
心孔嘉樂善修德及其立朝行道固不傾悉晚歲得
子又復良碩學田家傳志乃早立先生云公相與咨
惜念渠零屏繼任翰職淹留京師豈造物者將有俟
而補先生之不及一旦天奪松摧玉質云何不淑而
臻此極嗟若堂之三封悵遼海之不溢何一氣之衰謝
逮子身而迹熄余愈知善惡之巨量蒼天之不可必
也不然豈行馬忽諸致臯陶庭堅之不食吾不得而
識也噫

辭墳呪文

伏以甌東南之極徼憲使外臺之正名受
命以來夙夜祇懼有不遑寧處者於是月十七日卯

刻与子公孺輩前赴任所伏惟
明靈相其不逮以道護之尚享

祭雙廟文

至元廿一年歲次己丑冬十月丁未朔二十六日壬申
謹以清酌之奠敢昭告於唐臣中丞張公睢陽太守
許公之靈惟神忠抗全節義摧賊鋒既障江淮載清
河洛精爽在上其生炳如憚等適有事於維揚時乞
靈於新廟顧惟朽質遠涉畏涂過覬之心斷非敢萌
不虞之變庶祈默祐尚享

祭淮水文

惟神發源桐山橫界楚甸德參四瀆潤涵百川憚恭
被綸恩遠臨殊域險阻炎蒸有不自惜者惟神鑒茲

其安以濟是則神上有以欽承明命下有以全臣子
之義也尚享

亡妻推氏祭文 遣奠祭文

維至元廿三年歲次丙戌冬十一月癸亥朔十有二
日甲戌中議大夫前行臺都御史王輝謹以牲醪之
奠致祭於夫人推氏之靈維君為婦克恭以母則式
助我內治其宜其適四十三年迺猶一日眷我貧家
勤亦之極惟是盡瘁遂臻於疾彌留八年屢值危棘
孰被其祥稍復安息孟冬辛酉遽變容度孰禡其魄
溘先朝露惟此喪制我賓主之布冠齊衣我具舉之
木美歲嚴恐速腐之美慰汝心汝其顧之我卜甲戌
寔焉寵吉奉安汝柩皇姑之側升輜發引爰用控吉

汝宜勿憾我未為校魂兮歸來此四荒不可以往兮
惟汝子孫是依是保黯黯精魂惟心自旬浹之間
重有所祝日薄西山一語不復念之盡傷人孰為鬱
於戲零落山邱生存華屋自古皆然非汝之獨惟弗
偕老天為之酷有淚如泉永注河曲嗚呼哀哉
過趙祭忠武史公祠文
夫用物精多者英爽因昧垂顧異常者必生不殊我
丞相忠武史公以邱山之重顧艸芥之微其生也卵
而翼之其歿也寐而訓之茲者奉
詔北上展拜新祠敢乞明靈增益不逮蓋愚魯之性
惟其素知於言動之間庶幾默祐尚享
秋澗先生大全文集卷第六十四
三月初一日校

秋澗先生大全文集卷第六十五

辭

中林有鳥 唁姨母而思親

哀哀母氏壺儀光兮我鞠我育其勞昌兮植思靜佳
風飄颺兮頌惟蒿蔚擬謖芳兮菽水奉歡其憂忘兮
母恃子豫亦所望兮一朝致樂初未嘗兮夜夢見之
晝微茫兮歲月逾邁拱木蒼兮履此霜露中心傷兮
我行宗城如渭陽兮瞻戀姨闈自不遑兮履我孺慕
聞母香兮贈之瓊瑰幣帛將兮枝同氣連何殊於幽
明間兮庶幾母心慰下泉兮中林有鳥翩其反兮情
極反哺鳴聲應而喧兮可以人而不如鳥之志兮別
淚盈睫下霑袂兮停雲在空浩無際兮我思母氏曷

有既考不... 哀友生季子辭并序... 中統五年甲子歲夏五月廿有九日晝漏盡三十刻府
 從事周貞以友生季子之喪來告聞之驚但迺為輟
 食因憶予弱冠時始識渠于教官張文紀學舍性資
 純雅似不能言者扣其禮經皆能成誦于口既長從
 泌陽趙公業詞賦故日夕翱翔相得為甚狎逮壬子
 秋顯軒徒單公自甯來居日今而後執經問學吾知
 所從矣於是摳衣席下大玩厥辭含章既貞士論乃
 厭每自嘆古人讀書患其無書今人置書不觀何居
 要當手畢群書使之滿家而已及三史甫畢而病嗜
 學之難成也如此可勝嘆哉子天性孝友為人簡靖

不群喜作詩其較量體格推敲聲律有過人者然識者
 以骨清而癯耳小而偃恐非壽相也今年春顧見憊氣
 烝出顏間僕謂曰子殆病矣不然何神與氣索然無
 光耶子少休學本潤身守身為大吾子其慎之既而
 臥病在牀以迄于死初其父命其子曰而吏而商斷不
 汝為惟士與農迺所願學吁為父者可謂知其子而
 得其教為子者可謂盡其孝而養其志者矣維其天
 不假年聲光潛室不少白於世是迺可惜也於戲天
 道無親常與善人若季氏者可謂一門善人矣遵罹
 凶極一至於此天之報施善人果何如哉予不得而
 知也噫武死矣非文昌以摠予之哀而見若之志如
 李觀歐陽詹之不幸終復聞於世者以昌黎之文故

也君諱武字子文世為青齊人壽三十有四遂援毫
寓哀以畢其辭誄曰
猗嗟季氏以善傳兮種德及嗣培福田兮父母之心
一何賢兮子奉以行周且旋兮學根於心浩々天兮
再世而昌其流淵兮有物忌媚坎凜纏兮云何不泚
遺此遭兮自古有死豈子然兮維卒不施涕所連兮
哀々父母白垂顛兮狎于弗順蓋于棺兮東城之野
子之原兮悲風蕭々淇水寒兮游魂一去不復還兮
永矣無聞閻九泉兮反袂拭面慨其嘆兮禍淫福善
此何愆兮天道悠遠疑其無所關兮其脩與短不幸
之間兮嗚呼哀哉夫我何言子可安兮

故中奉大夫浙東宣慰使趙郡陳公哀辭

至元十四年歲次丁丑秋中奉大夫浙東道宣慰使
陳公按營田東下歷明逾台九月七日歸屯新昌為
賊姦所乘遇害嗚呼哀哉公未歿前五月子夢公柩
輶而過衛再夢坐越府上望公而不得接後閱月復
夢把臂談詠如在試院中時第霧氣盪冒終不覩其
面明日卜奉常宋君不吉曰後幾日當有惡報至予
魄動而不忍聞既而公故吏張永錫以訃來告乃審
公之所以亡嗚呼哀哉初癸丑歲公侍謀漢邸聞
走名而喜之及尹洛師一見殆平生歡至元三年以
邦伯釐衛日夕得游從燕處為文章往復時或持論
古今傾底裏無間至於振衰礪懦長予志殊銳四載
間猶一日也後五年子自裏行得調公亦移鎮河湟

自是不相覲者。立易歲。維十有三年。夏四月壬辰。出
堂。移考試河南。得貳公行。躍。不能寐。遂自梁抵申。
由宛葉八洛。而竟事於汴。寢。節游居。不斯須離者。餘
七十日。公以平昔出處。素所蘊而必者。一發而盡於
予。竊壯夫志。弘而毅。氣剛以直。學切而有用。器遠而
足識。嗚呼。乎有不可尚已者。及祖帳夷門。酒酣。歔歔
悲不能訣。去。至揚。解而歌曰。孤忠耿耿。信不疑兮。匪
席匪石。可卷移兮。與子論交。乃所期兮。日暮途遠。將
何之兮。彼蒼悠悠。其聞斯兮。予上馬。歸念且訝。其遽
如許也。嗚呼。噫。唏。公今死矣。予尚忍言哉。或者以玉
山賊門庭冠也。終宋亡而不克。捕新昌下邑也。惡而
無所預。蓋去諸。予曰。公之不去者。以弭禍亂。懷新附。

分也。事不辭難。患不苟免。志也。去之民何賴焉。賊或
有知。使洞貫之誠。一言開悟。予以窮根窟。掃餘孽。宣
威海道。以靖東南。在公為弗難。不幸擁馬直前。言未
及論。而亮鋒。閔加。蓋公之所能者。天也。其不能者。命
也。嚮使因鼠輩。而喪厥守。以偷生而為得計。名節委
地。坐眎民殘。是豈公之志也哉。况公生平。忠誼表。審
量素定。晚節操履。益堅。其遇當行。可為得少。伸抱負
分一死。久矣。者。顏太師知賊狀已明。將命而徑往。李司
徒視逆刃交下。握節而不去。二公者。豈甘心廟軀哉。
正以忠烈之氣。寧以一不幸。遽可憊然於其心哉。今
以公事節槩之。不少異矣。然不使公從朱游。王遵。滸
丹。哀於折檻之前。抗忠諫於伏蒲之地。柰何。鉞死道。

路纓絕於穿窬之手。此士論共惜。僕尤哀而為之辭也。公諱祐，字慶甫，趙之寧晉人。固窮力學，工為詩，尚氣能道所欲言，節齋其自號也。嗣子夔，繼請兵討賊，得害公者七人，戮越州市。次子昇，扶其喪，葬北邙之新阡。其辭曰：維天降材，深不謂兮。清明葬躬，經此一世事兮。伊逢昌辰，臣子尤不。易兮鴻毛沛風，宜乎奮厥翼兮。百縻以好爵，足將進而鑽兮。擠之禍賊，天胡為而厲兮。俾姦惡者何所懲，忠善者將何恃兮。豈福善禍淫之戒，時或撓而弛兮。豈命數一定，善惡得而致兮。豈一氣偶然乘之者，隨所值兮。不然，何厚其所可薄，而賢

者莫錫類兮。嗚呼，言至於此，天道悠々，此心盡而侯兮。自古有死，死非以義，等草木之敝兮。堂々節齋，明是義兮。夫我何尤，公所求兮。既獲死所，公乃休兮。有子而孝，復厥讎而歸，故邱兮。是或蒼々者，有足賴神理於焉在兮。魂歸來此，歆予文之一幘兮。固元身不歿，名永肩於崧岱兮。噫。

故中奉大夫山東東西道宣慰使史公哀辭
事有曠世相感，歆歆不自己者，豈非義激於衷，默有所契而然耶。况神交因間，沒而陰相者哉。故宣慰使侯五路萬戶留後之嫡長，太尉忠武公之猶子也。不肖自早歲蒙開府矚目，獲識侯於明面，合并有數款狎。則未也。逮提憲朔南，適平宋未歸，時接燕談三載之間。

猶一日然既而起公慰宣東方走亦持節甌越前次甬
東一夕夢公相戒云君方從事閩徼得喪有命尚慎
眠食不宜中動臨岐握手有戀不已者予又嘗銘
公兄墓以名驟見貺及是方倦游思歸公復見夢曰遠
回在迹但吾乘不得與同耳後數日聞公訃馬亦隨
斃計公卒辰適始夢甬上時也吁亦異哉嗚呼公於
余深矣往有以教歸有以啓迪之非神交而何哭墓
草宿且惡夫涕之無從也癸巳冬予在翰林公之子
親衛指搗使煥弟祕監輝來謁出諸君銘章仍有徵於
余感念疇昔廼抒願言公為人深靖有識量善謀能
斷生長豪貴不以居養自高周知物情未嘗臧否出
口平居褒衣素裾以琴書自娛賓從宴游若與世浮

沉者及其治兵作牧撫循籌畫二者並用不相底滯
有成算而無遺慮所謂總戎作氣帥尹而寓軍容者
公其有焉宜乎為世父鍾愛名聲昭於人功烈著于
後也至元甲申夏六月余將往歷下見公於所居南
樓置酒酌別既酣談論古今成敗傾徹底裏且及平
時寤寐風雲破碎陳敵等舉如濟南珍嶼橫梁臨江
之役皆是也曰異時倘經故處當知予懷王所敵志
也吾老矣將無復再得去三年公薨謝官下於戲公
今已矣顧視一時鉅室世臣其麗不鮮較其德業問
望哀榮終始略無遺憾鮮有及公者焉然尚何辭而
哀之惟是存歿陰相久要之言耿耿在抱義激愚衷
故特發其隱而未書者俾告公靈庶慰車過腹痛繫

翽喬木之意云其辭曰

天之降才實為艱兮用應時需又所難兮文武一岐
造物者新其全兮合而兼濟粵惟世之賢兮堂史公
北方強兮知柔知剛萬夫望兮依乘東風雲秉鉞戎軒
蕩無前兮有來群后策勛盟府相後先兮收歛豹韜
作牧民編于蕃宣兮國倚以重民懷風爰動海堧兮
神而化之人亡政息伊時遭兮嗚呼哀哉若公者其
英其靈有無間兮豈隨化歸盡魂無不之澌逝川兮
其或奮為神明司幽玄兮明復為人續其志之淵兮
若或亶然又不知其幾世幾年兮論至於此尚何言
兮所以增我永慨者正復哀斯民之不幸抑且感知
已而涕漣也

祝辭為劉孝先子迪作

古者名訓冠前字加冠後改而推稱益以責其禮之
成全成人之道孝悌忠信莫重而先四者有立吉孰
大焉曰禹曰益九官讓賢及陳儆告也如是况余人
狀山木取義併其名而字之予以四行擴充迪傳劉
氏子其服膺奉猶日見鄉先生於朝端也

周氏小女祝辭

元貞元年秋過總尹孟戡家出小女拜
且命誦孝經論語等篇殊琅狀也仍請
訓辭為祝曰書以付之蘭即燕故家畱
判趙公外孫也

英英女挈何靜嘉兮翁初見之燕故家兮牙牙點粒

玳瓊珈兮學語未正鶯囀花兮今年拜予雙鬢鷓兮
洞簫有賦非所誇兮孝章魯語誦無涯兮謝以蘊稱
汝其昭兮詢以小字曰蘭嬌兮歲蕤芳華檐翠翹兮
猗々揚々茲容韻兮女惟德馨幽閒在兮佩而服之
儀與誠兮女紅蚕休尤所賴兮守以貞順敬母息兮
付之汝誦於以書脫々其儀之帶兮

觀溟漲辭

山雲蒸兮老而昏大壑澮兮涇流奔渚崖曲兮千里
一夕平兮光瀾二水之充兮無幽無深遠朝滄溟兮
臣妾之心幽人觀其瀾逝者何嘆兮周而復還萬物
化結水之仁功成而退兮殆君子之遠巡日三往而
臨視兮悟夫噓噏於此身又何必酌樽中之醪問江

山之神也耶

鳴柳曲

壬申春三月予自京師南還十八日夜
半過平棘西汶水上聞漁人鳴柳中流
聲響甚厲駐車起聽令人杳然有江灣
漁樂之思作鳴柳曲以寫其音節云其
詞曰

柳鳴葦間回風遠遶洲空月寒音節愈厲響應虛谷
波翻水際驚群魚而入糝笑古人之用智予駐車而
三聽欲挈丹而同逝

田橫墓歌辭

至元丙子夏六月奉堂移偕節齋陳公

以事東之偃師。過橫墓下。慨慕耿光。悲
歌而去。歌曰。
秦以帝稱。魯連之所耻兮。漢以劍起。布衣之所極兮。
橫王東海。意不充其覲兮。天命攸歸。吾將奚所適兮。
死或當理。庶烈士之則兮。

秋澗先生大全文集卷第六十五



同日又校

